



Ayera, un biaha mas, miles di turista crucero a ser ricibi pa mal holor y awa sushi



Pagina 3

- **Campaña di
sterilisacion ta
continua den
augustus na Centro
di Bario Playa Pabao**

Pagina 6

- **Ta bay desaroya
material pa e
alumnonan cu
limitacion visual**

Pagina 4

- **Kylian Mbappé
cla pa haci debut
cu Real Madrid
den Copa Super**

Pagina 15

Raad van Advies ta conseha pa
Decreto Nacional di comunicacion
di derechonan den casonan penal
drenta na vigor mas pronto posibel



Pagina 2

Hefe di Nacionnan Uni preocupa
tocante detencionnan arbitrario y uso
excesivo di forza na Venezuela



Pagina 10

Aruba
ta mira
su Miss
Universe
Aruba nobo
den Srta.
Anouk
Eman



Pagina 13

Raad van Advies ta conseha pa Decreto Nacional di comunicacion di derechonan den casonan penal drenta na vigor mas pronto posibel

Dia 8 di augustus ultimo Raad van Advies (RvA) a publica su conseho tocante e proyecto di Decreto Nacional cu ta contene medidanan general y normanan tocante comunicacion por escrito na beneficio di sospechosonan deteni. (Decreto Nacional di comunicacion di derechonan den casonan penal).

Den respuesta na e proyecto di decreto nacional aki cu Raad van Advies a ricibi, e entidad a emiti su conseho pa observacion na su excelencia Gobernador di Aruba, Alfonso Boekhoudt, como tambe prome minister Evelyn Wever-Croes.

RvA ta indica primeramente cu e proyecto di decreto aki ta dirigi pa ehecuto articulo 82, di tres paragraf, parti i, di eCodigo di Procedemento Penal. RvA ta splica cu segun e consideracion y splicacion, e ta busca pa indica derechonan tocante informacion cu mester ser proporciona pa medio di un notificacion por escrito na e sospechosonan cu ser deteni.

RvA ta sigui splica cu articulo 1 ta propone cu e comunicacion por escrito, menciona den articulo 82, di tres paragraf, parti i di eCodigo di Procedemento Penal, mester informacion tocante: uno, e derecho pa informa un compañero di cas of un miembro di famia di un persona deteni 'lo mas lihe posibel' di e detencion, of si esaki no ta posibel pa un persona de-



teni cu no ta residente, mester informa e embahada of e consulado di e pais caminda e persona deteni ta residente di e detencion; dos, e derecho pa asistencia medico of pa pidi remedi.

Referente na prome punto, RvA ta nota cu e frase 'lo mas lihe posibel' no ta conforme cu loke ta stipula den articulo

28, prome paragraf, di e Decreto Nacional tocante instruccion pa e funcionario y uso di forsa di policial 'dentro di 24 ora'. Ademas, e RvA ta nota cu e palabra 'inmediatamente' falta den e notificacion cu mester ser haci na e embahada of consulado. Esaki, RvA ta remarca, ta necesario pa pone e texto di e parti aki di e proyecto di decreto

nacional den conformidad cu loke ta stipula den articulo 36, introduccion, parti b, di e Convencion di Viena tocante asistencia consular.

Teniendo esaki den consideracion, RvA ta cuestiona pa ki motibo no a haci uso di e tecnica di referencia directo, na e ley- y convencionnan relaciona, den e proyecto y ta conseha pa den cualkier caso coregi e imperfeccionnan identifica aki riba.

Por ultimo, RvA ta indica cu e splicacion di motibo ta nota cu eCodigo di Procedemento Penal ya a drenta na vigor dia 1 di april ultimo, door di cual e proyecto di decreto nacional mester drenta na vigor lo mas lihe posibel pa realiza e conexcion cu e codigo. E entrada na vigor segun e proyecto ta determina pa e dia despues cu e decreto nacional ta ser publica den e Buki di Proclamacion.

Raad van Advies ta remarca cu nan ta considera e entrega laat di e proyecto aki no faborabel y ta conseho pa den futuro tin mas cuidou den e maneho di medidanan di ehecucion pa e tipo di proyectonan di legislacion, principalmente pa sigura cu e medidanan di ehecucionnan, mas tanto cu ta posibel, por drenta na vigor na mesun momento cu e ordenansa nacional di base.

Aruba ta e prome pais den Reino pa introduci e ley aki. Segun minister di Husticia, Rocco Tjon a indica anteriormente, eCodigo di Procedemento legal nobo ta percura

pa e base huridico ta adecua, pa asina e ekipo investigativo por eherce nan trabao optimalmente.

Segun e mandatario a splica, eCodigo di Procedemento Penal nobo ta haci cu e ley ta bira mucho mas comprensibel pa e profesionalnan den e cadena hudicial, pero tambe pa e ciudadanonan. E ley ta percura tambe pa e cadena hudicial por funciona optimalmente, y combati otro tiponan di criminalidad cu ta desaroyando.

Ademas, el a remarca, cu e ley aki ta brinda e instancianan hudicial mas herment pa atende cu criminalidad, na mes momento ta tene cuenta tambe cu derechonan di victimanan y detenidonan.

Segun minister Tjon a enfatisa, esaki ta importante pasobra e derechonan pa loke ta trata e victimanan ta ser hancra miho den e ley y e ta bira mas facil pa durante casonan nan tin e derecho pa comparti nan storia y nan por haya recompensacion.

Na maart ultimo, prome cu e ley a drenta na vigor, Ordo di Abogadonan di Aruba a manda un carta pa Parlamento di Aruba den cual nan a expresa nan obheccion pa e nota di cambio realiza na eCodigo di Procedemento Penal, indicando cu e ta "viola gravemente derechonan fundamental di e sospechosonan den un detencion humano."

Ordo di Abogadonan a referi na e rapport di e Comision Europeo di Prevencion, Tortura y Trato Inhumano (CPT) di 24 di november 2022 den cual ta rechasa e celnan di detencion y a adverti cu e sospechosonan no mag di permanece deteni den e celnan aki di warda di polis pa mas di tres (3) dia.

CPT a pidi na autoridadnan di Aruba pa revisa e sistema di detencion na wardanan di polis, por lo tanto, Ordo di Abogadonan di Aruba a solicita no adopta e modificacion di e propuesta.

Sinembargo, aunke Ordo di Abogadonan di Aruba a entrega e carta aki y a muestra nan preocupacion, e ley a ser aproba cu 16 voto na favor y 1 voto den contra y a drenta na vigor dia 1 di april 2024.



Ayera, un biaha mas, miles di turista crucero a ser ricibi pa mal holor y awa sushi

Ayera mainta centro di ciudad a ricibi tres barco crucero cu miles di turista cu a baha pa bishita Aruba, pero lastimamente e turistanan a ser ricibi pa mal holor y awa sushi. Manera ya casi a bira un custumber, dilanti di Royal Plaza atrobe awa sushi di rioolering a bin ariba causando molester y mal holor den e area.

No ta prome biaha cu esaki ta sucede. Na varios ocasion e mesun situacion ta presenta y ora cu awa yobe e molester sa bira pio. Pero ayera un cantidad grandi di turista crucero tabata na Aruba pa disfruta di e bunitesa di e isla, pero a encontra un sorpresa desagradabel na momento cu nan mester a soporta e mal holor y purba di evita pasa den e awa sushi.

Reportera di Bon Dia Aruba a combersa cu algun comerciante cu ta traha den e kiosconan dilanti di Royal Plaza pa puntra con nan ta wak e situacion aki.

Un di e comerciantenan a indica cu pa hopi aña caba nan ta keha di e situacion cu ta causa un molester grandi pa e area aki. E ta afecta nan benta, nan salud y mas cu claro e ta duna un mal impresion na e turistanan.

E comerciante a remarca cu e ta hopi mahos y no higienico cu turistanan mester cana den awa sushi, awa di pupu, y niun persona di gobierno ta busca un solucion.

El a sigui splica cu aunke nan ta pidi gobierno y departamento concerni pa haci algo pa yuda soluciona e situacion aki, nan no ta tende ningun feedback y no ta mira cambio tampoco den e problema.

Otro comerciante a indica cu e tin hopi aña trahando den e



kiosco y e situacion ta mescos cu hopi aña atras, no tin mejoracion. El a splica cu e awa sushi cu ta bin di Royal Plaza ta core bay den e lama cu tin patras di e kiosconan.

E comerciante a menciona cu un preocupacion grandi cu e tin ta cu su mes a yega di mira con turistanan, sobre todo muchanan chikito, ta bay den e awa, den e lama, cu tin patras di e kiosconan pa baña of pa refresca nan mes.

Esaki, el a resalta, ta un peliger ya cu e turistanan por bira malo pa motibo di e awa sushi cu ta yega den e lama. El a señala cu no tin ningun borchí pa indica e turistanan pa no baña den e lama ey tampoco, cual ta algo necesario mirando con awa sushi ta bay den e awa ey.

El a menciona tambe cu antes tabatin un persona di gobierno cu tabata pasa haci e area dilanti e kicknan limpi pa bari tur sushi, pero for di algun tempo caba esaki no ta e caso y tur e sushidad cu tin dilanti e kiosconan tambe ta termina den e lama patras.

E comerciante, cu tin hopi aña trahando den e kiosco,

a conta cu turistanan cu ta bishita Aruba pa hopi añas ta puntr'e pakico cada biaha cu nan bin nan ta wak e isla cada biaha mas sushi. El a indica cu e ta haya berguensa ora nan puntr'e cosnan asina y no sa kico pa contesta. El a destaca cu e ta purba mas bien di desvia y enfoca riba e partinan positivo y recorda nan pa disfruta di e playanan y e beyesa di e isla.

E mesun comerciante aki a splica cu mirando e gravedad di e situacion y e falta di accion di parti di gobierno y instancianan concerni, e mes a purba di cuminsa un proceso pa yega na un solucion. El a busca abogado y a hasta manda pregunta pa gobierno tocante e situacion, pero lamentablemente no a logra haya niun contesta y nada no a cambia tampoco.

Bon Dia Aruba a purba tuma contacto cu departamento di DOW pa puntra tocante e situacion, pero mensahe di e mashin di telefon tabata indica cu pa motibo di problema tecnico e yamada no por a ser procesa.

A purba tambe tuma contacto cu DIP, pero despues di vari-

os intento di yamada, ningun hende a contesta.

Bon Dia Aruba a tuma contacto cu prome minister Evelyn Wever-Croes, ken tambe ta encarga di e cartera di Infraestructura, y a puntra si no tin un plan na luga pa casonan asina (urgente) pa deshaci di e awa sushi rapidamente mirando e cantidad di turista cu a bishita e isla. A puntra tambe si ta trahando riba un plan pa soluciona e problema aki definitivamente, ya cu tin hopi aña caba causando molester, y por ultimo a puntra cual departamento ta encarga aworaki cu e sistema di rioolering, si ta DOW mes of si esaki a pasa pa otro departamento.

Prome minister a indica cu e problema di riolering den LG Smith Boulevard ta uno hopi bieuw pero cu ta hayando atencion di AWSS, cu recientemente a tuma e red di sistema di riolering di Aruba for di DOW.

El a splica cu e diseño di e sistema aki ta ser yama un "Gemengd systeem", caminda cu tanto awa di yobida y awa di riool cu ta bin for di Aeropuerto na Sabana Berde, Dakota y Oranjestad topa otro riba e mesun liña di e sistema. Durante hopi decadas di desaroyo economico hopi mas sector y instancia a uni nan mes riba e sistema aki cual a limita su capacidad pa funciona debidamente.

Prome minister a sigui splica cu por ehempel na momento cu tin un storing cu "pomp-gemaal" of tin verstopping di vet (hende ta tira vet den e sistema y ta stroba e sistema

di traha) esaki ta sali afo dilanti Royal Plaza of otro caminda den e area. Y durante yobida e problema ta bira aun mas grandi.

Gobierno a duna instruccion pa bin cu un solucion structural pa e situacion aki mas pronto posibel. Mientrastanto AWSS mester traha riba un plan pa ora cu e problema aki manifesta, mester troubleshoot e storing mes ora y tuma medida nan corectivo pa por deshaci di e awa sushi pa evita molester.

El a resalta cu Gobierno y AWSS tin un plan pa separa e liña di riool for di e liña di awa di yobida pa asina aumenta e capacidad den e liña. Esey kermen cu pronto lo mester bay traha riba e infraestructura di LG Smith Boulevard pa instala dos tuberia nobo y asina soluciona e problema aki na un forma mas structural.

El a agrega cu prome mester a traha e espacio financiero pa despues por haci e inversionnan grandi aki. Desde juli 1, 2024 AWSS ta encarga cu e "Rioolstelsel" di Aruba. Pues ta apenas nan a tuma over e sistemanan di riool, nan no por a inventarisa y soluciona tur problema ainda. Sinembargo na momento cu e problema aki y otronan cu a surgi cuminsa demanda atencion, e personal di AWSS a lo atende y troubleshoot e situacionnan cu presenta.

Por ultimo el a haci apelacion na comunidad en general pa na momento cu nota cu tin problema cu rioolering, tuma contacto cu AWSS na telefon; 280800 of bishita e website www.awss.aw.



Minister Rocco Tjon:

Reunion structural cu sindicato di polis di Aruba tocante varios topico pa cu cuerpo policial

Diabierna mainta, Minister di Husticia y Asuntonan Social sr. Rocco Tjon, a reuni cu Sindicato di Polis di Aruba (SPA), un reunion sumamente positivo caminda a duna splicacion riba diferente punto, principalmente uniform pa Cuerpo Policial.



Manera ta conoci, tur diabierna Ministerio di Husticia y Asuntonan Social tin e espacio habri, pa reuni cu SPA, pa delibera diferente puntonan. A toca e parti di uniform pa Cuerpo Policial, cual ta un punto di preocupacion pa SPA, di cual a haya un splicacion amplio di e proceso pa loke ta trata e parti aki. Recientemente e pago a wordo haci na e compania di Hulanda cu a gana e destaho, y

a conta cu e preferencia di Cuerpo Policial. Pues, si tur cos cana segun planeamento, pa december di e aña aki, e uniformnan aki lo wordo entrega.

Tur e midinan a wordo manda pa e compania, pa asina nan por cuminsa fabrica e uniformnan. Otro topico cu a toca, ta e parti di trafico, e proyecto di "takel en bewaardienst" ta andando, caminda un compania externo ta bay

mancha henter e proceso aki pa Cuerpo Policial. Di e forma aki, ora un Agente Policial tuma nota cu un auto no ta cumpli cu e rekisitonan nan por kita e auto aki for di caminda y e ta wordo hiba na e compania aki, cu ta cumpli cu tur e criterionan segun ley. Asina lo bay garantisar mucho mas seguridad den trafico, e contract ta cla y lo wordo revisa aworaki.

Ademas a papia tocante e mobile dataterminals. Manera ta conoci, Cuerpo Policial a haya vehiculonan completamente nobo, y un di e puntonan cu a percura pa hinca den e destaho ta, pa por bay instala e mobile dataterminals, cual ta computernan cu lo wordo instala den e autonan di Polis, pa asina nan por brinda un miho servicio



y alabes ricibi mas informacion pa di e forma ey eleva nan propio seguridad. E proceso aki a cuminsa caba, caminda e oferta pa loke ta trata e proyecto piloto a wordo entrega y dentro di poco lo cuminsa cu e instalacion di e prome vehiculonan cu e mobile dataterminals.

Por ultimo, a papia tocante e proyecto di portofoon, cual ta uno sumamente importante tambe pa Cuerpo Policial y ta

forma parti tambe di e Operation Command Center. Tur cos ta canando segun planeamento y e comision cu a gana henter e proceso aki, a haci nan escogencia y pa oktober di e aña aki tur portofoon lo wordo entrega na Cuerpo Policial. Pa prome bes a scoge esaki, caminda cada Agente Policial lo haya su propio portofoon pa asina por garantisar mas integridad pa loke ta trata e aspecto aki pa e Agentenan Policial.

Minister Endy Croes: En conexion cu introduccion di papiamento den klas 1 di scol basico

Ta bay desaroya material pa e alumnonan cu limitacion visual

Recientemente, Minister di Enseñansa y Deporte Endy Croes a reuni cu Fundacion Arubano di esnan Visualmente Incapacita (FAVI), directora Cetty Baarh-Bijlhout y Meredith Faarup -Lacé.

Durante e encuentro aki, e representantenan di FAVI a duna un presentacion di estructura di organogram di FAVI. Tambe, a splica kico ta e criterionan pa ta un cliente di FAVI: 1. 30 por ciento of menos di capacitacion visual; 2. Campo di bista menos di

10 por ciento; 3. Completamente incapacita visualmente. Actualmente, FAVI ta conta cu 48 cliente, cual 32 cliente ta activo y ta haya guia diariamente.

Di e 32 clientenan aki, 27 ta cay bou di e categoria di 30 por ciento of menos di capacidad visual y 5 cu ta completamente ciego. Nan enfoca ta mas tanto riba e clientenan di 0 pa 18 aña. Durante e reunion, nan a splica cu e ekiponan ta costoso, esta e braille cu ta un ekipo special pa pega na e computer. Fuera di esaki,

a trece dilanti cu awo cu ta introduciendo Papiamento e aña escolar aki na tur klas 1 di scol basico, e alumnonan cu tin incapacidad visual, ta bay tin mester un buki na Papiamento.

Pues, awo ta bay haci un inversion di alrededor di 19 buki. E mandatario di Enseñansa a indica cu sigur lo contribui pa haci esaki posibel pa e alumnonan cu limitacion visual tambe por sigui nan lesnan na scol normal.



Minister Endy Croes:

Trabao ta andando riba puntonan den rapport di Sr. Wernet pa Sint Aloysius School keda cla pa aña escolar 2024/2025

Recientemente, Minister Endy Croes a reuni cu Sr. Ricky Wernet, kende ta arkitecto y "toezichthouder" di proyecto y ta traha riba diferente proyecto pa gobierno. Durante e encuentro a trata, entre otro, e proyecto di renobacion di Sint Aloysius School.



Manera ta conoci, recien e scol a wordo completamente renoba y falta algun detaye chikito. Sr. Wernet a traha un rapport y ta trahando riba e

puntonan aki pa e scol ta fulla pa inicio di e aña escolar 2024 - 2025. Durante vakant-

ie a cumpra un "touchscreen" pa e 9 lokaalnan cu tabata falta y a aloca nan na SKOA.

Banda di esaki, Sr. Wernet a haci un evaluacion na biblioteca na San Nicolas, den cuadro di algun renobacion chikito y trabou di mantenccion cu tin mester. Basa riba e rapport aki, Minister di Enseñansa y Deporte por actua pa asina duna un man na e tantisimo trabou cu tin y pa tin esakinan actualisa.

Sr. Wernet a presenta un diseño (concept design) pa un posibel kantoor pa SVOA

riba e tereno di Colegio Arubano. Actualmente, SVOA ta huur un oficina pafo di Colegio Arubano y ta desea pa traha un kantoor paden di e cura di scol den futuro cu e vision cu por spaar e placa di huur.

Pa conclui, Minister Endy Croes a indica di por mira atras riba un bon intercambio, unda a trata diferente punto di interes y a trece diferente solucion na bienestar general di enseñansa di Aruba.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figueroa (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com

info@bondia.com

Website: www.bondia.com

Facebook: @bondianoticia

Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Zair Croes ta cla pa cuminsa su carera como estudiante atleta na Atlanta, Georgia

Diabierna ultimo durante un conferencia di prensa Paseo Herencia a anuncia e e estudiante atleta cu e keda selecciona pa ricibi ayudo a traves di nan programa mas nobo di sponsorship cual ta Gift of Education & Sports. Zair Croes, di 19 aña di edad atleta di triatlon, a keda eligi como e prome estudiante atleta cu lo ricibi ayudo a traves di e programa nobo aki.

Durante e conferencia Zair a conta cu e tin cinco aña caba practicando e deporte aki y a competi riba nivel local y a representa Aruba riba nivel internacional tambe.

El a conta cu el a scoge Emmanuel University (EU) na Georgia, Atlanta, door di un amigo cu tambe ta practica triatlon cu tambe ta bay e mesun scol. Zair a haya un beca parcial pa dreña den e ekipo di landamento y e ekipo di triatlon.

El a sigui conta cu door cu gastonan ta halto pa studia na Merca el a dicidi di aplica pa e Gift of Education & Sports USA edition y el a remarca cu e ta hopi contento y agradecido cu el a keda selecciona.

“Mi mester gradici tur mi sponsor y coachnan y mas importante mi mayornan pa sostenemi den mi deporte. Mi ta gradici tambe Paseo Herencia pa duna mi e oportunidad aki y pa duna mi chens pa wordo selecta pa haya placa pa mi bay afo,” el a bisa.

Prome cu el a dreña den e deporte di triatlon Zair tabata practica algun otro deporte. El a conta cu el a cuminsa practica futbol prome ora e tabata chikito y e



tabata hunga pa ekipo di Britania.

El a sigui conta cu despues el a stop di hunga futbol y a cuminsa practica tenis y windsurfing. El a indica cu e tabata haci mas tanto tenis y aki aya e tabata haci windsurfing.

Despues el a dicidi pa cuminsa core pa yudele cu su condicion fisico pa tenis, pero den esey el a ripara cu e tabata gusta coremento mas cu hunga tenis y cu e tabata hopi bon den coremento.

Eynan el a dicidi di stop full cu tenis y el a cuminsa enfoca full ariba e deporte di coremento. Despues poco poco el a dreña ciclismo y landamento y for di eynan e amor pa e deporte triatlon a sigui crece.

Zair tabata den preparacion pa e competencia Carifta na Barbados, pa cual el a remarca e tabata train basta duro, mas o menos 20 ora pa siman. Algun dia e tabata train tres ora pa dia y algun dia cuater ora pa dia. “Por ehempel mainta nos ta train ciclismo, atardi ta coremento y anochi ta train landamento na pool na Savaneta,” el a bisa.

Alimentacion ta un parti hopi importante. Zair a splica cu su mayornan, specialmente su mama, ta esun cu yud’e cu su alimentacion. El a conta cu su mama ta lanta mainta trempa pa cushina tur su cumindanan, prepara nan den bakinan di glas y warda nan den frigidaire. Ora cu e caba di train mainta e ta yega cas, keinta su cuminda y come di biaha.

El a agrega cu pa anochi tambe su mama ta prepara su cuminda pe door cu su trainingnan ta caba hopi laat. “Mi ta yega cas e ora come di biaha y ta mas facil.”

Diadomingo Zair a biaha pa Antigua prome y despues pa Barbados pa com-

peti den e competencia Carifta. Despues di Barbados e ta biaha pa Atlanta, Georgia pa cuminsa e etapa nobo di su bida como estudiante atleta.

Tocante su sentimentonan, Zair a remarca cu e ta un sentimento 50/50. “Mas cu claro bay studia afo no ta facil, bo tin e 50/50 cu bo ta emociona pa bay, pero tambe bo tin miedo pasobra bo no sa kico ta bay pasa. Pero mi conoce algun hende caba na e scol unda mi ta bay cuminsa studia cu ta mustra bon hende y cu lo yuda mi pa fit den e ekipo,” el a expresa.

Paseo Herencia tin varios aña caba ta yudando estudiante y deportistanan. Nan c cuminsa inicialmente cu e proyecto di Gift of Education nuebe aña pasa pa yuda hobennan cu nan gastonan di nan estudio.

Aña pasa nan a anuncia cu ta cuminsa cu e programa pa yuda atletanan cu e gastonan den nan deporte, specialmente pa competencianan internacional y e aña aki a expande e programa mas ainda pa yuda tambe e estudiante atleta cu tin ambicion di bay afo y combina nan estudio cu nan deporte.

E proceso di admision pa e programa Gift of Education & Sports USA edition a rekeri cu candidato tin cu entrega un carta di motivacion, un CV completo deportivo y academico, y nan carta di admision pa e universidad. Comision a evalua tur aplicacion riba e logronan den tanto educacion como deporte, cu un rekisito cu nan mester ta parti di e team deportivo di nan universidad.

Di e tur e aplicacionnan cu nan a ricibi esun di Zair a cumpli cu tur e rekisitonan y a resalta pa su logronan den su educacion y deporte.

SVGA cu peticion pa programa di LVS Doen In

Minister di Enseñansa y Deporte Endy Croes a reuni cu director Sra. Els van Homelen y Sr. Dennis Conradus di Stichting Voor Verstandelijk Gehandicapten Aruba (SVGA). Director di Dienst Uitvoering Onderwijs (DUOS) Sr. Hervé Ruiz tambe tabata presente den e ocasion aki.



Durante e reunion a dialoga tocante algun peticion pendiente di SVGA. A haci un peticion special pa un programa

di LVS Doen In, cual ta un programa traha specialmente pa tipo di scolnan aki. E man-

datario di Enseñansa a indica cu e programa aki tin su gastonan cune y tabata buscando

espacio pa acomoda esaki y a priminti di lo yega na un solucion pa esaki.

Ademas di esaki, pa e prowise borden cu SVGA a ricibi den e proyecto di Edutech di Futura, mester un persona interno cu por atende y maneha esaki. SVGA tin e personal adecua y a presenta un solucion budget neutral, pero tin mester un aprobacion pa por logra haci esaki di tal manera.

Durante e reunion a informa e mandatario di Enseñansa cu

AFAS Software Aruba a yuda nan pa traha un tuinhuis, specialmente pa e tipo di scol aki.

Final di augustus lo bolbe reuni pa sigui avansa, soluciona y clarifica tur aspecto pa cu aña escolar nobo 2024-2025 por continua sin ningun inquietud.

Finalmente, e mandatario di Enseñansa ta informa cu e opendag di SVGA lo tuma lugá dia 19 di september 2024 y ta invita Pueblo di Aruba pa pasa bishita e scol.

Minister Ursell Arends:

Campaña di sterilisacion ta continua den augustus na Centro di Barrio Playa Pabao

Diasabra ultimo Minister Arends a bishita Paws United Aruba na Centro di Barrio Playa Pabao unda a tuma lugá un otro edicion di e campaña di sterilisacion y castracion.




Sigur un campaña cu ta crucial pa controla e sobrepoblacion di cacho y pushi na Aruba. Desde luna di april e aña aki a cuminsa cu diferente campaña di sterilisacion y castracion. E campananan aki ta ser organisa door di dos aliansa grandi localmente, AWAA (Animal Welfare Alliance aruba cu ta consisti di 3 fundacion) y PUA (Paws United Aruba, cu ta consisti di 12 fundacion local). Tur dos aliansa tin e mesun meta, sterilisa y castra mascotanan di esnan di menos recurso. Campananan aki lo continua den e lunanan binidero di 2024 cu lo ser organisa pa ambos aliansa di fundacion.



Den e weekend di 3 y 4 augustus PUA a logra sterilisa 66 pushi/cacho y e weekend di 10 y 11 di augustus a logra un total di 92 pushi/cacho. Un suma grandioso

cu ta rekeri trabou duro di tur boluntario y veterinario. Durante Minister Arends su bishita di diasabra, e la ricibi un recorrido unda por a mira e proceso completo di ora ciudadano trece e cacho/pushi, e preparacion pa e operacion y observa e tremendo trabou di

Veterinary Specialty Hospital Aruba. Asina ta opera e mascota, microchip pa e ta cla pa su doño busk'e bek. Un sincronisacion di diferente tarea cu ta di aplaudi. Ministerio di Naturalesa ta contento di por asisti pa haci e eventonan aki posibel, un



muestra con nos por traha hunto pa combati e problema di sobrepoblacion di cacho y pushi na e isla. Minister Arends ta extende un palabra di danki na tur e fundacionnan cu ta trahando hunto ariba esaki, y claro na e boluntarionan cu ta traha cu pasion pa bienestar di nos animalnan. Invitacion ta bay na comunidad pa haci uzo di e oportunidad aki pa ta un doño responsable di mascota y sterilisa bo mascota.

Diasabra y diadomingo awo, dia 17 y 18 di augustus Paws



United Aruba (PUA) lo t'ey atrobe na Centro di Barrio Playa Pabao for di 8'or di mainta pa 6'or di atardi. Tin orario specifico cu por trece mascota cual ta te cu 11'or di mainta. Pa mas informacion por acudi e grupo di Facebook di Paws United Aruba.

Ministerio di Naturalesa ta sigui sostene y contribui na e causa aki pa conhuntito cu fundacionnan esencial, por reduci e crecimiento di poblacion di cacho y pushi riba caya. Cu contribucion di ISO microchips, Ministerio ta percura pa cada mascota ser registra den e database central 'Aruba Pet Registry' pa amplia e registro di mascotanan na Aruba.

LIQUIDATIE ADVOCATENPRAKTIJK MR. RICARDO E. YARZAGARAY N.V. (in liquidatie) Bij besluit van de aandeelhouders van de bovengenoemde rechtspersoon genomen op 1 augustus 2024 is besloten de rechtspersoon per 1 augustus 2024 te ontbinden en algeheel te liquideren.

SLOTVERANTWOORDING De vereffenaar heeft terstond bij zijn aantreden vastgesteld dat geen aan hem bekende baten aanwezig zijn en dat derhalve ingevolge artikel 31, zevende lid, van Boek 2 van het Burgerlijk Wetboek van Aruba (AB 1989 no. GT 100) de vereffening van de rechtspersoon is beëindigd. Deze verklaring is bij het handelsregister gedeponeerd.

De vereffenaar,

Mr. R.E. Yarzagaray
George Madurostraat 34-A



Ministro di Husticia y Asunto Social ta anuncia cu entrante **15 augustus 2024** segun Ley di Molester, durante 30 dia lo tin oportunidad pa un y tur tuma conocimiento na Departamento di Legislacion y Asunto Huridico, **Schotlandstraat 53** di un peticion di permiso cu a ser haci pa un **instalacion di gas di 950 lbs na L.G. Smith Boulevard 40**. Den e periodo aki tur hende por expresa por escrito nan desacuerdo cu dunamento di e permiso menciona. Esaki mester ta dirigi na Ministro di Husticia y Asunto Social mediante director di Departamento di Legislacion y Asunto Huridico, Schotlandstraat 53.

FDA ta aproba prome spuit nasal pa trata reaccionnan peligroso di alergia

(AP)—E oficialnan di Salud na Merca aproba diabierna un spuit nasal pa trata reaccionnan severo di alergia, e prome alternativa sin hangua. E Food and Drug Administration (FDA) a bisa cu el a aproba e spuit for di fabricante di medicina ARS Pharmaceuticals Inc. como un tratamiento di emergencia pa adulto- y muchanan mas grandi experienciando reaccionnan severo di alergia conoci como anafilaxia.

Anafilaxia ta sosode ora e sistema immuun di e curpa desaroya un reaccion inespera pa un substancia stranhero, manera cuminda, mordi di insecto of medicamento. Sintomanan comun ta inclui hives, hinchamento, grawatamento, sacamento y problema pa hala rosea.

E aparato, promove como Neffy, por cambia tratamento pa e 33 miyon pa 45 miyon di Mericanonan cu alergianan severo pa cuminda y otro trigger. Anafilaxia ta manda mas cu 30,000 hende na eerste hulp y ta resulta den mas cu 2,000 hospitalisacion y mas cu 230 morto na Merca tur aña.

Di e 6 miyon prescripcion skirbi pa auto-injectornan cada aña, mas cu 40 porciento nunca ta ser yena, segun Dr. Thomas Casale, un alergista na e University of South Florida, a conta un panel consehero aña pasa. Hasta ora esakinan ta disponible pa proveedornan di cuida, hopi auto-injectornan ta ser usa incorrectamente, el a bisa.

“Tin un necesidad medico cu no ta ser cumpli pa un porcion grandi di e poblacion,” el a bisa.

Neffy ta diseña pa hende cu ta pesa al menos 29 kilo. E ta ser suministra den un solo dosis den un banda di nanishi. Un segundo dosis ta ser duna si e sintomanan di e persona no ta mehora.

E tratamento nobo por cambia bida di hende cu alergia severo pa cuminda, segun Dr. Kelly Cleary, un pediatra y director cu e Food Allergy Research & Education, un grupo di abogacia NGO.

“Mi a mira e mirada di preocupacion of miedo,” Cleary a conta, di ken su yiu homber di 11 aña tin varios alergia pa cuminda. “Mi ta preocupacion di kico ta pasa si un hende duda.”



Rekeriendo un inyeccion den un emergencia ta causa mesun spanto na muchanan cu e reaccion alergico mes. algun mayor mester wanta nan yunan pa asina inyecta nan, tin biaha causando algun corta y rekeriendo hilo. Aproximadamente 3,500 dunado di cuida ta ser herida ora nan inyecta nan mes accidentalmente den man,” ARS a bisa.

Priscilla Hernandez, di Pasadena, California, a bisa cu su yiu homber di 12 aña, Zacky, ken ta alergico na sesame, pinda, nuez di arbol, awacati y otro cuminda, tabata traumatiza ora el a haya un reaccion na scol casi seis aña pasa y un nurse a trat’e cu un auto-injector.

El a bisa awo cu e ta “hopi contento” tocante e aprobacion di e spuit, cual Zacky lo cuminsa carga ora e bira disponible. Introduci inicialmente na 1901, epinephrine a bin prome cu e FDA mes. productonan manera e EpiPen auto-injector, aproba na 1987, a ser autorisa a base di data riba kimica y fabricacion y no tabata rekeri pa prueba seguridad y eficacia.

Pruebanan clinico di hende experienciando posible reaccionnan mortal ta dificil pa motibonan etico y pragmatico. En bes di esey, oficialnan di ARS a compara e efecto di e spuit nasal riba marcadornan biologico na tratamentonan existente di epinephrine.

Resultadonan a mostra cu Neffy a traha casi mesun bon cu epinephrine inyecta pa aumenta frecuencia di curason y presion, cual ta bay en contra di reaccionnan severo. E medicamento ta combina cu un agente cu ta permiti’e ser absorba facilmente via membranan nasal.

Otro aparatonan di epinephrine sin hangua ta ser desplega pa trata reaccionnan alergico.

Esakinan ta inclui spuitnan nasal di Bryn Pharma, Nausus Pharma; un auto-injector sin hangua di Crossject; y un film

epinephrine cu ta ser administra bao lenga di Aquestive Therapeutics.

Neffy ta diseña pa por ser carga y usa facilmente, specialmente pa mucha, segun Richard Lowenthal, presidente y hefe ehecutivo di ARS. “Nos no kier miedo. No tin hangua, pues no tin dolor cu e producto aki,” el a bisa. “E ta basicamente manera bo ta spuit saline den bo nanishi.”

ARS no a revela un lista di prijs, pero a bisa cu e lo haci e spuit disponible via cierto programa di descuento pa aproximadamente 200 dollar pa cada paki di dos. Seguronan ainda mester dicidi si nan ta cubri e producto y na ki prijs.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS!

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 ADICIONAL LOCO COMPLETAMENTE GRATIS Ariba E MESUN TICKET! MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO TE CU 31 DI AUGUSTUS

Pa mas informacion yama 525-7555 of bishita nos website lottoaruba.com

www.lottoaruba.com

Gobierno ta publica cuestionario riba comportamiento publico y desperdicio

(CuraçaoChronicle) - E gobierno di Corsou a lansa un cuestionario tocante desperdicio, sushi y con hende ta maneha esaki. E encuesta aki ta den distribucion via e canalnan di red social di Ministerio di Salud, Naturalesa y Ambiente pa tur e residentenan di e pais por participa.

Recientemente, e topico di

desperdicio, dump y e maneho di esaki a ser trata den medio Curasoleño. E cuestionario ta inclui varios pregunta tocante topiconan relevante manera por ehempel “bo sa dicon bo ta benta sushi riba caya?” y “con nos por adopta un miho strategia pa yega na un Corsou mas limpi?” Adicionalmente, e encuesta tin varios pregunta tocante dengue y si e personanan ta fa-

miliar cu esaki.

Manera a menciona, e dialogo tocante e problema di desperdicio na Corsou a bolbe surgi y aumenta den e lunanan recien na Corsou. Esaki ta particularmente causa pa e candela cu a surgi na e dump ilegal situa na Dam Pretu, cual a causa strobamento significativo di huma den e area y alrededor.



MAN-PIN ta preocupa tocante impacto riba electricidad causa pa contract entre RdK y Global Oil

(CuraçaoChronicle) - Partido politico MAN-PIN a vocifera preocupacion tocante e contract recientemente estableci entre Refineria di Korsou (RdK) y Global Oil, sugiriendo cu e acuerdo pro tin implicacion significativa pa e costo di bida riba e isla.

Den un comunicado di prensa, e partido a enfatisa cu e contract aparentemente ta involucra no solamente e produccion di asfalt sino tambe e benta di electricidad na clientenan usando propiedad publico.

MAN-PIN a enfatisa cu e model di negoshi aki ya caba a



resulta den un aumento drastico den prijs di electricidad, afectando ambos viviendan individual y negoshinan.

“E gastonan di electricidad den aumento ta aumentando tambe e costo general di bida y aumentando tambe e

gastonan operacional pa negoshinan,” e partido a bisa.

E partido a haci yamado na

e Prome Minister Gilmar Pisas pa clarifica su posicion tocante RdK su accionnan. MAN-PIN ta pidiendo contesta riba si e Prome Minister ta sosten e strategia aki y ki medidanan e tin plan di tuma si esaki no ta e caso.

Den su respuesta, el a anuncia cu e tasa pa provee electricidad for di e turbinanan di gas na Aqualectra lo keda reduci cu 30 por ciento. E reduccion aki ta bini despues cu a revela cu e tasan cu global Oil a pone pa Aqualectra a causa mas aumento den prijs di electricidad, empeorando e peso financiero riba e poblacion di Corsou.

Specialistanan ta adverti di calidad di cuido di salud cu ta empeorando na Curaçao Medical Center

(AP) - Medical Staff Board (MSB) a emiti un advertencia na e residentenan di Corsou, expresando preocupacion grave cu e calidad futuro di e cuido na Curaçao Medical Center (CMC).

Den un carta dirigi na e publico, MSB a enfatisa e potencial pa un disminucion significativa den servicionan di cuido di salud despues di 2024, citando e decreto nacional riba standardisacion di ingreso top (LNT) como e causa primario.

Segun MSB, Curaçao ta e unico pais dentro di Reino Hulandes cu a dicidi di aplica LNT na specialistanan medico emplea pa CMC ta cuminsando e december aki. E decreto, nan ta adverti, por causa cu varios especialista lo bandona e isla.



“Tin hopi inkietud entre e specialistanan,” e declaracion a bisa, cu hefe Stef Bakker firmando e comunicacion. MSB a reporta cu varios dokter ya caba a bandona e isla

e aña aki den anticipacion di LNT su implementacion y e lucha pa haya reemplazo cu a resulta den oranan di espera mas largo pa ricibi tratamiento.

E specialistanan a enfatisa tambe cu LNT no solamente ta limita nan habilidad pa funciona efectivamente como dokter sino tambe ta menasa nan autonomia den

practica nan profesion. “Den e situacion aki, nos no por logra e nivel di cuido aki, innovacion, educacion y investigacion cu nos kier sigui provee,” MSB a adverti.

Durante e ultimo lunanan, varios esfuerzo di consulta a fracasa di produci un resultado satisfactorio, lagando e specialistanan incierto tocante e futuro. MSB awo ta urgi e gobierno di Corsou pa colabora riba haya un “solucion di termino largo cu ta structural y genuino,” pa garantisar cu tur residente di Corsou lo sigui ricibi calidad di cuido halto na hospital.

Cu e deadline di december acercando pa implementacion di LNT, MSB su yamado pa accion ta enfatisa e urgencia den atende e crisis potencial di cuido di salud riba e isla.

Cuminsando cu 4 florin, bo por gana e suma grandi aki

Afl. **185.000,-**

Obtenibel na cualkier rebendado di Lotto.

sorteo ta awe nochi 7:45 pm

HUNGA AWO

Dos tercera parti di casnan Hulandes ta ser bendi pa un prijs mas halto cu e prijs di benta inicial

(nltimes.nl) – Sobre oferta ta e norma nobo den mercado di cas Hulandes. Den e di dos kwartaal, dos tercera parti di casnan a wordo bendi pa un prijs mas halto cu e prijs inicial di benta. Di e casnan den e segmento accesibel, cu prijs te 405 mil euro, casi 70% di e casnan a wordo bendi pa mas placa cu nan tabata pone riba lista, Telegraaf ta raporta basa riba cifranan di e plataforma di cas Huispedia.

Den e di dos kwartaal, cumpradonan tabata duna nan oferta na un promedio di 4.1% mas halto cu e prijs di benta, compara cu 2.6% den e prome kwartaal. Durante e prome tres luna di e aña, 57.9% di e casnan a wordo bendi na un prijs halto cu e prijs di benta. Den e kwartaal cu caba di pasa esaki a aumenta na 66%.

Sobre oferta awor ta normal den tur provincia. Casnan na Zeeland, caminda tabata



normal pa manda oferta cu ta abou di e prijs di benta, a bende na un promedio di 1% mas halto cu e prijs di benta durante e di dos kwartaal.

Especialmente e cumprado cu ta bay compra cas pa prome biaha ta sufri hopi. Casi 70% di casnan den e segmento accesibel ta wordo bendi p un prijs mas halto cu e prijs di

benta.

Lana Gerwssen di e Asocia-cion Hulandes di Real Estate Agents (NVM) ta hopi preocupada. “Mi ta haya esaki hopi tristo pa mira. Tin un grupo grandi di Hulandes cu mester muda. E comprador di prome biaha cu ta keda biba cu nan mayornan ora nan tin 30 aña, hende cu a divorcia. Pa nan,

e buskeda ta extremadamente frustrante,” el a bisa Telegraaf. “Tin Hulandes cu ta bay wak e mesun tipo di cas un y otro biaha pero ta keda decepciona cada biaha. E pregunta ya no ta ‘Mi kier paga pe?’ pero ‘Mi por paga pe?’ Esaki no ta un manera dibertido di compra un cas.”

Telegraaf a papia cu un muhe


cu a logra compra un cas na Haarlem despues di mas cu binti bishita y ocho oferta. “Alrededor 75 mil euro mas halto cu e prijs di benta ya no ta nada straño. Nos hasta tabatin cu cumprado cu haci un oferta 125 mil euro riba e prijs,” el a bisa. E y su pareha finalmente a entrega un oferta di 100 euro mas hopi cu e prijs di benta. “Nos tabata den un situacion privilegia cu nos no tabatin cu muda. Pa otro hende, e situacion actual ta hopi mas frustrante.”

Gerssen di NVM ta mira cu hopi hende ta renuncia na e Randstad. “Nos ta activo den Betuwe. Normalmente no ta un area mucho druk, pero nos ta mira hopi hende di Randstad ta mudando pa aki awor. Hende cu no por haya un cas na Utrecht, Houten, Vianen of Nieuwegein ta bin na Culemborg, Geldermalsen y Tiel. Aki, nan ta competi cu e cumprado di prome biaha cu kier compra algo den nan propio region.”

Ola di calor ta e manifestacion nobo di desigualdad na Hulanda

(nltimes.nl) – Dialuna tabata e dia mas cayente di aña te aworaki na Hulanda. Parti anochi no tabata miho, cu temperatura cu no a baha bou di 20 grado na hopi luga. Den e tipo di clima aki, e ta haci un diferencia si bo ta biba den un cas cu ta bon prepara pa soporta calor of den un apartamento di ciudad cu ta mas cayente paden cu pafo. “Desigualdad den enfriamento ta bira un problema mas grandi,” Marjolein van Esch a bisa na NOS.

Van Esch ta un docente di planeamento urbano na TU Delft. “Dies aña pasa, nos tabata pensa solamente riba e hendenan grandi, ora ta trata di sufri pa motibo di e calor, pero aworaki ta studiantenan y otro huurdonan, cu no por cambia nada den nan cas y ta



sufri hopi. No solamente fisicamente, pero tambe mentalmente.”

En general, e ciudadnan ta mas cayente cu e campo. “Edificionan ta absorbe calor durante e dia y ta los e den anochi,” Esther Peerlings a bisa, cu ta realisa investigacion tocante esaki na Wageningen University & Research. Barionan cu edificionan abou y

hofinan, ta bira friu mas lihe cu e edificionan halto den cayanan chikito cu tiki mata. Esaki por haci un diferencia di 10 grado Celsius.

Ambos investigador ta indica cu huurdonan tin mas problema pa mantene nan cas friu, specialmente huurdonan den casnan di social. “Bo por adapta un cas cu bo ta doño di dje manera cu bo kier. Pero si

bo kier instala un tent pafo di un cas di huur, esaki hopi biaha no ta posibel,” Peerlings a bisa. “Propietarionan ta pensa hopi biaha: pakico mi tin cu inverti placa den algo cu mi no ta obliga pa haci.”

Segun Van Esch, tin hende na Hulanda cu ta cuminsa tin miedo pa zomer ya caba for di luna di mei y juni. “Tin casnan di huur cu ta incomodo pa biba aden durante tres luna. Esaki ta afecta nan estado mental. Nan ta stress, deprimi of no por concentra bon.”

Den pasado, Hulanda tabata construi pa mantene calor durante e winternan friu. E casnan tipico Hulandes cu ta ricibi hopi solo, logicamente ta bira cayente den zomer. “Esey aworaki ta birando contra nos,” Van Esch a bisa.

Miho preparacion contra calor, ventilacion y proteccion di solo por yuda. Tambe por haci cambio den e ambiente di bida, manera mas sombra y mas mata den e barionan. “Nos ta mira aworaki cu hende ta desea pa tin airco,” Van Esch a bisa. “Airco ta haci e problema mas grandi. E airco ta benta e calor pafo, y despues ta bira mas cayente.”

Argentina:

Ex primera dama Fabiola Yañez a bisa cu su problemanan cu alcohol a cuminsa a causa di agresion di Alberto Fernandez

(Infobae) - E ex primera dama a papia durante 4 ora dilanti fiscal Ramiro Gonzalez, unda el a afirma cu e ex president tambe tabata consumi alcohol y a duna detaye tocante e atakenan ademas di bisa cu e lo provee chatnan como evidencia.

El a yora durante e oranan den cual el a papia pa prome biaha dilanti husticia. E ex primera dama a ratifica ayera dilanti husticia e acusacionnan contra e ex president pa violencia di genero, y a conta episodionan nobo ademas di priminti cu el lo aporta pruebanan nobo.

Tambe el a conta dilanti fiscal cu a causa di e incidentenan aki di violencia el a cuminsa consumi alcohol y marihuana. “E tabata bebe y reuni cu su amigonan cu tambe tabata huma marihuana,” Yañez a conta. Fuentenan hudicial a informa Infobae cu awo e fiscal lo analisa e prome medidanan di prueba otorga y e



expediente pa asina comproba e testimonio di Yañez den un expediente cu no ta bao secreto mas. Segun e fuentenan consulta, den e 3 ora y 40 minuut cu e declaracion a dura el a yora 3 biaha. Esaki a causa cu tabatin interrupcion pa bebe awa y un descanso chikito. Yañez a ratifica tur loke el a presenta ayera via escrito na husticia y cu el a duna detaye tocante

cierto incidentenan. Di e manera aki el a conta 3 episodio di violencia na e fiscal cu tur detaye. Den un di nan, el a conta cu Fernandez a gar’e na su nek. Tambe el a duna detaye di e golpinan cu el a ricibi den su wowo y brasa, cual potretnan a ser revela caba ora cu el a manda nan na Maria Cantero, ex secretaria di Alberto Fernandez. E combersacionnan aki a ser revela pa e

causa di e caso di seguro, den cual tambe ta investigando e exp residente. Segun Infobae a haya sa, e lesion den su wowo y brasa tabata prome cu e scandal di fiesta de Olivos.

E ex primera dama tambe a haci mencion na Federico Saavedra, ex hefe di Unidad Medico Presidencial. El a ratifica cu loke el a bisa ayera den su documentonan, cu

despues di un di e golpinan cu el a ricibi Saavedra a dune tratamiento y bisa cu e golpinan lo bay cu tempo. Ayera el a agrega cu Saavedra tabata sa di otro incidentenan di agresion epro no kier a puntra kico a sosode.

Otro ex funcionario menciona tabata Ayelen Mazzina, ex minister di muhe pa e gobierno di Fernandez. Fabiola a conta cu den un biaha na Brasil el a mustra potretnan di e agresionnan y un video di un hende muhe cu tabatin relacion sexual cu e president, unda el a bisa cu e tabata den e Ministerio. El a conta cu dianan despues el a bolbe topa Mazzina, ken a puntra si e ta sinti miho. Awo Yañez a agrega na esaki cu den e ultimo dianan e ex minister a skirbi via WhatsApp bisando cu e no tabata sa nada.

Yañez a bisa cu el o provee e combersacionnan aki na husticia, di mesun manera cu otro documentonan cu e tin pa compaña su declaracionnan.

Hefe di Nacionnan Uni preocupa tocante detencionnan arbitrario y uso excesivo di forza na Venezuela

(AP) - Nacionnan Uni su oficial top di derechonan humano a expresa preocupacion diamars tocante detencionnan arbitrario y “uso desproporciona” di forza na Venezuela mientras forsanan di seguridad ta sigui tuma accion despues di e pais su eleccion presidencial.

Forsanan leal na President Nicolas Maduro a tuma accion contra mas di 2,000 persona pa manifestacion den

su contra of a causa di pone duda riba su declaracion cu el a gana un tercer termino den e eleccion di dia 28 di juli apesar di evidencia fuerte cu el a perde e eleccion.

“E ta specialmente preocupante cu asina hopi persona ta ser deteni, acusa of procesa cu incitacion di odio of bao legislacion di contraterorismo,” Nacionnan Uni su Alto Comisario pa Derechonan humano Volker turk a bisa den un declaracion. “Ley

criminal nunca mester keda usa pa limita e derechonan na libertad di expresion, asamblea pacifico y asociacion.”

Turk su comentarionan ta bini mientras Venezuela su oposicion ta prepara pa un manifestacion cu lo tuma luga diasabra cu tin speranza di aumenta presion riba Maduro pa reconoce derota y negocia un transicion politico.

“Si maduro haci un evaluacion realistico di su opcionnan, e lo compronde cu su metodo actual no ta sostenibel,” lider di oposicion Maria Corina Machado a bisa reproteronan diamars.

Machado, ken anteriormente a nomina diplomatico Edmundo Gonzalez como su reemplazo ora el a keda prohibi di participa den e careda, a papia cu reporteronan na un conferencia di prensa virtual for di un localidad no revela a causa di preocupacionnan di seguridad. Den su comen-



tarianon, el a purba di calma e expectativa di resolucion rapido na e crisis politico aki.

“Ningun hende sa con hopi e lo tarda, pero sin duda tin dianan doloroso nos dilanti,” Machado a comenta,

E oficina di derechonan humano di Nacionnan Uni a bisa cu den mayoria caso cu el a documenta, e detencionnan no a ser permiti asigna abogado di nan scogencia ni tampoco tin contacto cu nan famia. “Algun di e casonan

aki lo crea desaparicion,” el a bisa.

Turk a haci yamado pa e “liberacion inmediato di tur hende cu a ser deteni arbitrariamente, y pa un huicio husto ser duna na tur detenido.” El a agrega cu e “uso desproporciona” di violencia pa autoridadnan y e atakenan riba e manifestacionnan pa individuonan arma bogando pa e gobierno, algun resultando den mortonan, no mester keda ripiti.



Activistanan Cubano ta crea base di datos cu documentonan di UMAP

(CiberCuba) – Mas di 25 mil Cubano a ser interna den e Unidades Militares de Ayuda a la Produccion (UMAP), camponan autentico di concentracion unda e regimen Cubano a cera, castiga y condena na trabounan forsa e homosexual-, catolico- y hobennan sospechoso pa nan preferencianan cultural of intelectual di no simpatisa cu e asina yama “revolucion”.

Entre 1965 y 1968, e regimen Cubano a hiba e politica ey violando e derechonan humano cu a hiba hopi hoben na comete suicidio y a somete miles na tratamentonan di terapia hormonal y electroshock, y experimentonan. Otro testimonionan a referi na tortura cu electricidad of tratamiento cu tabata inclui coma induci cu insulina pa modifica “conductanan homosexual.”

Sesenta aña despues di e horornan cometi contra decenas di miles di persona, e



historia di UMAP ta sigui ser oculta y minimisa di parti di e regimen cu ta purba laba su imagen cu e reconocimiento di derechonan pa e gruponan di LGTBQ+, pero sin profundisa den su pasado criminal di persecucion, exclusion y violencia contra homosexualnan.

E herederonan di e poder totalitario, machista y comunista Cubano a probecha e

“mea culpa” vocifera pa Fidel Castro durante un entrevista concedi na 2010 na e corant Mexicano La Jornada, den cual el a atribui su mes e responsabilidad di e creacion di UMAP.

For di e tempo ey, y sin habri e filenan clasifica tocante e asunto, nan kier pasa e pagina di e hechonan ey, cuminando cu e diputada Mariela Castro Espin, yiu di e general

Raul Castro y directora di e Centro Nacional di Educacion Sexual (CENESEX), autor di e revision falso historico di e episodio tragico ey.

Sinembargo, e sociedad civil Cubano no a vence den nan trabou pa pone luz riba loke a sucede den e mas di setenta campamento di UMAP, como tambe den e oficina di e funcionarionan ehecutivo di e plan maligno di “reeduca-

cion”.

Pesey activistanan Cubano a comparti un link pa un deposito documental di acceso habri unda fuentenan anonimo a publica un serie di documento “redacta entre añanan 1966 y 1968, extrai pa e fechanan ey di e unidad militar di e provincia antiguo di Camaguey y cu tabata scondi te dia di awe”.

Asina e periodista independiente Jose Raul Gallego a indica dialuna ariba su rednan social, compartiendo e link pa e documentonan por ser difundi, por ser lesa y usa pa ciudadano-, periodista- y investigadornan, cu e obhectivo cu nan ta ser analisa pa un comprension mas acerta di e informacion cu nan ta aporta.”

“Nan ta documentonan cu ta forma parti di e historia di nos pais, di e memoria historico di e nacion y mester ta disponibel pa tur Cubano y persona interesa,” Gallego a subraya.

Puerto Rico: Mayornan ta critica plannan di Educacion pa motibo di retraso den e reparacion di un scol

(ElNuevoDia) – A traves di un publicacion ariba rednan social, e mayornan di studiantenan di e scol Escuela Especializada en Bellas Artes Pablo Casals, na Bayamon, nan a haya sa no solamente cu e scol no ta cla pa ricibi e menornan, por lo menos e luna aki, si no cu tampoco nan lo bay scol tempo completo.

Tur cos faltando menos di 48 ora di loke nan tabata spera lo tabata e prome dia di scol, cual a wordo posponi pa full e sistema educativo debi na e paso di un sistema tropical na e isla.

“Esey ta un falta di respet,” Carmen Calderon Adorno a manifesta, ken ta mama di un estudiante cu lo cuminsa zesde klas na e scol specialisa.

E trabounan di construccin na e areanan principal di e scol a extende mas di loke nan a premira, door di cual no ta sigur pa ricibi e studiantenan pa e prome simannan di e aña escolar nobo, e director di ORE di Bayamon, Duhamel Adames Rodriguez, a splica.

E plan anuncia pa e personal di ORE na e famianan ta establece cu e alumnonan di e scol Casals, ta bay ricibi les na e scol Cacique Aqueybana, cu orario alterno di 12:30 pm pa 5:30 pm. E famianan a wordo cita pa un asamblea dialuna pa conoce e plan y a informa nan cu scol lo cuminsa dialuna 19 di augustus, pero e encuentro tabata algun ora prome cu e gobierno a pospone e comienso di scol.

“E decision di orario alterno a wordo tuma diadomingo. Den reunion cu e Conshonnan Escolar di ambos scol, nos tabatin e consensus cu pasobra no tin un plan determina cu nan lo entrega un edificio, nos mester a recurri na e orario alterno di e scolnan,” Adames Rodriguez a indica. E studiantenan di e scol Cacique Aqueybana ta bay haya les di 7:30 am pa 12:30 pm.

E Departamento di Educacion a anuncia diadomingo cu nan ta pospone e comienso di scol pa otro siman na 31 scol publico debi na retrasonan den e labornan di construccin cu ta wordo realisa. Te na e momento di e publicacion aki, no tabata sigur e im-

pacto cu e potencial paso di un sistema tropico lo tin riba e trabounan di infraestructura na e scolnan y e fechanan di apertura.

Calderon Adorno a conta cu e no sa con e ta bay por ahusta na e plan aki, e ta traha di 7:30

di mainta pa 4or di atardi na Bayamon y su yiu mas chikito lo bay scol na otro distrito di 12or di merdia pa 5:30 di atardi.

“Ami ta mi so, mi no tin e apoyo ey. Con mi ta haci? Kico mi ta haci cune parti

mainta? Mi no por bay cune oficina. Mi no por lag’e na cas y despues bay busk’e pa hib’e scol merdia. Pa mi, sinceramente, esaki ta mal organisa,” el a expresa.



Cuido di bo wowonan den combinacion cu aparatonan digital

Cu e popularidad di aparatonan electronico ta bin tambe e partinan cu mester atencion pa uzo consiente.

Kiko ta e beneficianan di bril pa luz blauw?

Brilnan di luz blauw a bira popular bou usuarianan cu a bira mas consiente di e daño potencial cu luz blauw por causa na nos wowonan. E lensnan aki ta filtra e luz blauw for di aparatonan digital manera computer, tablet y smartphone. Lens di luz blauw ta perfecto pa esnan cu ta pasa hopi tempo dilanti di e pantalla, y ta promove comodidad na e wowo.

Compronde e efecto di luz blauw riba nos bista.

Nos tin mester di luz blauw for di solo pasobra e ta duna hopi efecto positive. Sinem-

bargo, si bo ta wordo expone demasiado na luz blauw, specialmente den anochi, e por kibra e balansa delicado di e ciclo di sueño cu bo curpa ta crea.

Bo tin mester di lens di luz blauw?

Ta importante pa tene cuenta cu e cantidad total cu bo ta expone na e luz blauw, sea cu bo ta usa bril di luz blauw of no. Un bon regla ta pa limita e uzo di aparato den oranan di anochi.

E beneficianan di lens di luz blauw.

Lens di luz blauw a bira mas y mas popular den e era digital. Tin beneficianan bon documenta.

Regulacion di hormona: Ta conosi cu si nos keda exponi



na luz blauw, specialmente den oranan di anochi, e ta stroba e produccion di melatonina, e hormona responsabel pa regla ciclo di sueño. Esaki por causa dificultad pa drumi bon.

Maneho di depresion y ansiedad: Investigacion a indica cu

tin un coneccion entre falta di sueño y e presencia di depresion y ansiedad. Lens di luz blauw por regla nos ciclo di sueño na un manera efectivo y indirectamente por yuda nos salud mental.

Semper tuma contacto cu The

Specialists na Caya Betico Croes 222 den Cayena Mall na Dakota pa haña e miho conseho y recomendacion personal tocante bo necesidadnan di salud di wowo.

Pasa personalmente of yama 290.2020 pa traha un cita.

DYON CENTER N.V.
Caya Frere Bernardinus 10,
Oranjestad Aruba
Tel. 582-9894

Dyon Center lo ta habri NON-STOP
pa asina bo por haci bo
BACK TO SCHOOL SHOPPING frankil y sin rush.
8.30am - 6pm

www.dyoncenteraruba.com

amc unicon

E temporada di **'Back to School'** a yega!

Pasa **AMC Unicon** pa e ultimo deals Fantastico di laptop pa hasi e aña aki bo miho aña escolar.

Probecha y hasi bo compra awe mes!

L. G. Smith Blvd 144
Tel. 521.1100


SAVE 100 FLORIN!

BACK-TO-SCHOOL

PURCHASE A FRAME AND RECEIVE A FREE UPGRADE TO BLUE FILTER LENSES!

THE SPECIALISTS
Caya Betico Croes 222 | call: 2902020 app: 6402020

*this offer can't be used in combination with insurance. Valid till 31st August 2024.



| | | | |
|---|---|---|---|
| | 4 | | |
| 1 | | 4 | 3 |
| 2 | | | 4 |
| | 3 | 2 | |

SUDOKU
for kids

| | | | |
|---|---|---|---|
| 3 | | 1 | |
| 1 | | | 4 |
| | 3 | | |
| 2 | | 4 | 3 |

| | | | |
|---|---|---|---|
| | 4 | 3 | |
| 1 | | 4 | |
| 3 | 2 | | 4 |
| | | 2 | |

| | | | |
|---|---|---|---|
| | | 2 | |
| 3 | 2 | | 4 |
| 4 | | 3 | |
| | 3 | 4 | |

| | | | |
|---|---|---|---|
| 2 | | 3 | |
| 1 | | | 2 |
| | 2 | 1 | |
| 4 | | 2 | |

| | | | |
|---|---|---|---|
| 2 | | 4 | |
| 4 | | | 2 |
| | 2 | 3 | |
| 3 | | 2 | |

| | | | |
|---|---|---|---|
| 3 | | | 4 |
| | 2 | | 3 |
| 1 | 4 | 3 | |
| | | | 1 |

| | | | |
|---|---|---|---|
| 4 | 1 | | 2 |
| | | 4 | |
| | 4 | | 3 |
| | 3 | 1 | |

| | | | |
|---|---|---|---|
| | 2 | 1 | |
| 1 | | 3 | |
| | 3 | | |
| 2 | | 4 | 3 |

| | | | |
|---|---|---|---|
| 3 | | 4 | 2 |
| 4 | | | |
| | | | 3 |
| 1 | 3 | | 4 |

Aruba ta mira su Miss Universe Aruba nobo den Srta. Anouk Eman



Diasabra anochi Minister Xiomara Maduro tabata tin e placer di por a presencia e certamen di Miss Universe Aruba den cual 6



hoben bon prepara a competi pa e titulo maximo di beyesa na Aruba.

E anochi a cuminsa cu pre-



sentacion di e candidatanan den trahe di baño, sigui pa un desfile den trahe formal y a finalisa cu e ronda di pregunta den cual e publico por a conoce mas di acerca e pensamiento di e candidatanan. Cada candidata a duna e miho di nan, locual a haci e anochi uno masha special. Despues di e parti di premiacion di e candidatanan a sigui



e momento culminante di e anochi na unda a anuncia a e dos finalistanan di e certamen den persona di Srta. Giuila Brezovar y Srta. Anouk Eman. E titulo maximo di Miss Universe Aruba a bay pa Srta. Anouk Eman y hunto cu Minister Ursull Arends, a toca honor na Minister Maduro pa haci e acto di coronacion.



Minister Maduro ta felicita Srta. Anouk Eman y ta dese'e hopi exito pa representa Aruba na e certamen di Miss Universe na Mexico. E mandatario ta felicita y gradici tambe e organizacion di Miss Universe Aruba y tur e participantenan pa nan bunita presentacion cu a haci e anochi uno bunita.

Minister Maduro ta felicita Sr. Richenel Bello pa su 25 aniversario den servicio di gobierno di Aruba



Diahuebs ultimo Minister Maduro di Finanzas y Cultura a ricibi Sr. Richenel Bello hunto cu su señora y yiu pa felicite pa su 25 aniversario den servicio di Gobierno di Aruba. Richi, manera e ta wordo yama pa su coleganan, ta traha na Departamento di Finanzas y p'esey pa e ocasion festivo aki tabata presente Director di Finanzas, Sr. Derrick Werleman y Hefe di Presupuesto Sra. Jo-Anne Kock.

Minister Maduro a felicita y gradici Richi pa su lealtad pa traha ya pa 25 aña den Gobierno na bienestar di comunidad. Ultimo añanan Richi ta percura pa e presupuesto di Ministerio di Husticia y Asunto Social cual ta un trabou dificil cu Richi ta domina na manera hopi profesional.

Su coleganan a expresa di ta aprecia masha hopi e manera calmo cu Richi ta atende cu tur reto di trabou y cu Richi semper dispuesto pa yuda pa busca un solucion pa problemanan cu ta presenta.

E mandatario a presenta Richi cu su Decreto Gubernamental, carta di felicitacion y hunto un recuerdo y un regalito chikito pa recorda e aniversario importante aki. Di parti di su coleganan, Sr. Werleman a presenta Richi cu un plakkaat como aprecio pa su 25 aniversario di trabou.

Minister Maduro ta felicita Richi y su famia pa tur esfuerso haci den e ultimo 25 aña y ta spera cu Gobierno por keda conta algun aña mas cu e trabou di Richi na bienestar di Aruba.

Aruba Bank ta titula sub campeon den 5 Kamp "Mens Erger Je Niet"

Aruba Bank ta orguyoso pa anuncia cu nan a gana e titulo di sub campeon den e 5 Kamp di competencia di "Mens Erger Je Niet" cu a tuma lugar recientemente.

E evento a uni participantenan di tur departamento na Aruba Bank y e competencia a dura dos dia. Aruba Bank su team un biaha

mas a demostra gran dedicacion y esfuerso, y asina yega te na final.

E banco ta sumamente orguyoso di nan team pa nan esfuerso y determinacion. Aruba Bank ta gradici tur esnan cu a apoya e team y ta spera pa conta cu e mesun dedicacion durante "kickball" y "bowling".



Charlotte Kool ta gana su segunda careda consecutivo na e Tour de France Femmes

(nltimes)—Ciclista Charlotte Kool a mira un soño bira realidad den e segunda careda di e Tour de France Femmes. El a logra victoria caba den e prome etapa na Den Haag dialuna y despues tambe den e bunch sprint na Rotterdam ayer. El a gana su compatriota Lorena Wiebes y Marianne Vos.

“Soñonan ta bira realidad rapidamente e dlanan aki,” segun e sprinter di e ekipo dsm-firmenich PostNL den un entrevista ayer despues di e careda. “Prome e victoria ayer y



despues pa gana awe den e jersey geel. Esey ta hopi special.” E jersey geel ta ser duna na e persona liderando e clasificacion individual general.

E segundo cori tabata corto y druk. E peloton a sali for di

Dordrecht 9:50 di mainta, y e ta parce cu e careda a bira den sprint masivo rapidamente, aunke ciclista Belga Audrey de Keersmaecker a purba cambia esaki cu un atake. Un caida den e ultimo kilometer nan a garantis cu hopi ciclis-

ta tabata cay atras mientras e ekiponan di sprinter a posiciona nan mes den e cayanan di Rotterdam.

Mischa Bredewold, Blanka Vos, y Barbara Guarischi a carga e sprint pa Wiebes, ken no por a participa e sprint e dia prome debi na e defecto mecanico. Vos y Kool tabata riba e wiel di Wiebes, y e sprinter den e jersey geel a logra pas’e prome cu e finish line pa su segunda victoria.

E atleta di 25 aña a conta di loke tabata un sprint final caotico. “Nos tabata un tiki leu pero nos tabata sa cu nos

mester a keda calma. Mi a lansa mi sprint, y esey tabata suficiente. E tabata caotico, pero mi ta gusta esey.”

Kool a bisa cu e ta sinti mas fuerte cu nunca, aunke e tabatin un comienso pisa den e temporada. “Mi no a anticipa esaki dos siman pasa. Pero cosnan ta cambia lihe.” E sprinter a defende un avance di 14 seconde riba ciclista Finlandes Anniina Ahtosalo y Wiebes den e prueba di tempo di 6.3 kilometer na Rotterdam.

Potret di Thomas Maheux.

Kamilah Dammers y Philippine van Aanholt:

Di medayista di oro, CAC Veracruz 2014, pa e Weganan Olimpico Paris 2024 como Chef y Deputy

Na aña 2014, e atletanan elite Kamilah Dammers(bowling) y Philippine van Aanholt (vela) a gana medaya di Oro pa Aruba den e Weganan Centro Americano y del Caribe teni na Veracruz, Mexico.

Tanto Kamilah como Philippine a atende e Weganan Olimpico Paris 2024 pero awor no como atleta pero como hefe y assistent di delegacion di Aruba. Kamilah a keda encarga cu e delegacion di Aruba competiendo na Paris mientras Philippine



como ‘deputy’ a keda encarga cu e delegacion di Aruba competiendo na e ciudad di

Marseille unda e competencia di vela a tuma lugar. Bunita pa mira nos atletanan

elite colabora y yuda den e proceso di guia y yuda nos delegacion di e evento de-

portivo mas grandi celebra mundialmente.



Medayistanan Olimpico Hulandes ta reuni cu rey, reina y prome minister; medayistanan di oro ta haya titulo di caballero

(nltimes)—Atletanan Hulandes cu a haya medaya na e Weganan Olimpico na Paris a ser ricibi ayer pa Rey Willem-Alexander y Reina Máxima na Huis ten Bosch, e palacio di e famia real na Den Haag. E grupo a para pa un potret dilanti e residencia despues di un dia emocionante unda nan a ser honra tambe pa prome minister Dick Schoof y su miembro di gabinete pa politica di Deporte, Vincent Karremans.

E Olimpiconan cu a gana un medaya oro na e Weganan a haya titulo di caballero pa nan logro na Den Haag. Secretaria di estado Karremans y

e alcalde di Den Haag Jan van Zanen a pin e decoracionnan riba e Olimpiconan. Atletanan cu ya a haya titulo pa nan logro, manera remeronan Tone Witen y Koen Metsemakers, a haya un estatua, e yamado “chapeau.” Otro atletanan cu a haya titulo caba tabata nabegador Marit Bouwmeester, landador Sharon van Rouwendaal y atleta Sifan Hassan.

“Ki ehempel boso ta!” Karremans a bisa nan. Prome minister Dick Schoof a bisa cu e Olimpiconan Hulandes a haci algo cu tiki politiconan por, y esey ta duna Hulanda un “sentimento di club.” El a agrega cu henter e pais tabata “Team NL” durante e wega-

nan.

Schoof ta pensa cu bo por bira “un tiki tristo” tocante e division den e pais, specialmente den politica. Pero, “tur esey ta ser poni na banda ora e candela Olimpico cende. E ora e atencion ta riba nos atletanan.”

Schoof tambe tabata presenta



na e Weganan, incluyendo mirando e medaya oro historico di Sifan Hassan den e maraton, despues di dos medaya brons den e 5000 y 10,000 meter. “Mi nunca, nunca lo lubida esey,” Schoof a bisa, ken tambe ta un coreedor di maraton.

Na mesun momento, tabatin critica di Schoof su presencia

na e Weganan. Criticonan a yam’e hipocrita mirando su e recorten di su gabinete lo costa e sector di deporte 45 miyon euro. El a refuta e critica: “Mi tabata cynan pa curasha e atletanan,” el a bisa den e programa Humberto à Paris.

Hulanda a gana un record di 15 medaya di oro den e Olimpiada na Paris. Tambe nan a gana shete medaya plata y 12 medaya brons. Hulanda a caba na di seis luga den e lista di paisnan cu mas medaya, e posicion mas halto cu el a haya na e Weganan Olimpico.

Potret di Ramon van Flymen pa ANP.

Cole Palmer ta firma un contract nobo na Chelsea manteniendo e den e club te cu 2033

(AP)—Delantero Ingles Cole Palmer a firma un contract di extension pa dos añu cu ta mantene na Chelsea te cu 2033, segun e club di Liga Premier a bisa ayera.

Palmer a uni for di Manchester City na september añu pasa y tabata un di e miho hungadornan den e Liga Premier, cabando e campaña cu 22 gol—solamente patras di Erling Haaland di Manches-

ter City—y segurando un luga den e ekipo Ingles pa e Campeonato Europeo.

Palmer a hinca pa Inglaterra como un substituto den un perdida 2-1 contra España den e final.

Awo el a firma cu Chelsea pa e proximo nueve añanan, continuando e politica di e club pa mantene su hungadornan jong cu contractnan di termino largo. “Mi a logra

hopi den mi prome temporada akinan,” el a bisa. “Y mi ta spera mi por sigui experiencia cosnan tremendo cu e club aki, ambos riba nivel personal y loke ta trata exito y trofeonan pa Chelsea.”

Palmer ta riba e lista pa e hungado di añu di e Profesional Footballers’ Association. E ganador lo ser anuncia dia 20 di augustus.



(AP)—Kylian Mbappé ta parce cla pa haci su debut pa Real Madrid den e Copa Super di UEFA contra Atalanta awe. Coach di Madrid Carlo Ancelotti a bisa cu e delantero di Francia a yega den bon

condicion despues di e Campeonato Europeo y tabata adaptando bon cu e ekipo despues di un siman di entrenamiento.

Mbappé “por hunga mañan,” Ancelotti a bisa ayera na un

Kylian Mbappé cla pa haci debut cu Real Madrid den e Copa Super di UEFA contra Atalanta

conferencia di prensa na e National Stadium na Warsaw unda e wega lo tuma luga. Mbappé ta e hungador mas grandi den e capital Polaco despues di uni cu Madrid finalmente siguiendo un saga largo cu su ex-club, Paris Saint-Germain. El a ser introduci na e fanaticonan di e club na Santiago Bernabeu Stadium luna pasa pero no tabata parti di e ekipo riba su tour Mericano mientras el a descansa despues di Euro 2024.

E ta uni cu delanteronan renombra na Madrid, incluyendo Vinícius Júnior, delantero di Brazil Endrick, Jude Bellingham, Rodrygo y Arda Guler.

Ancelotti a chansa cu e tabata un “problema enorme” y cu pa pensa ken lo hunga dilanti “a ruina mi vakantie.” Ora a puntra si e yegada di Mbappé a cambia e atmosfera den locker room, Ancelotti a bisa via un traductor: “E ta un atmosfera hopi limpi y saludable, e tipo di atmosfera crea pa hungadornan cu tabata aki manera Nacho Fernandez, Dani Carvajal, (Luka) Modric, (Federico) Valverde. Aki no tin prins ni rey.”

Coach di Atalanta Gian Piero Gasperini kier pa tur e super estrellanan di Madrid hunga contra su ekipo. “Pa mi ta fundamental pa e ekipo hunga un bon wega sin pensa ken t’ey y ken no,” Gasperini

a bisa. “Mi ta spera pa e miho wega, pasobra solamente cu esnan mas fuerte bo ta purba gana e respet maximo.”

E ekipo Italiano lo cuminsa como un ekipo no popular, manera e tabata prome cu el a gana Bayer Leverkusen den e final di Liga Europeo pa gana e prome titulo Europeo y prome trofeo den 61 año. Pero Gasperini a bisa cu Atalanta no ta preocupa. “Nos ta bin cu nos entusiasmo y nos deseo pa purba impresiona di semper,” el a bisa.

E Copa Super ta un wega anual entre e ganadornan di e Liga di Campeonan di e ultimo temporada y e Liga Europa.

Nobato di Browns DT Mike Hall Jr. deteni riba cargonan di violencia domestico despues di pelea cu su comprometida

(AP)—Nobato di Cleveland Browns Mike Hall Jr. a ser deteni ayera y a haya cargo di violencia domestico despues cu polis a bisa el a menasa su comprometida cu scopet durante un pelea.

Hall tabata pa gebook y procesa na Avon Lake Municipal Court, segun James M. Drozdowski, un agente di informacion publico cu Avon police. El a paga fianza y a ser libera, segun e agente a conta AP.

Hall a aparece den corte cu su abogado, Kevin Spellacy, ken no a duna un comentario

ainda. E Browns a bisa den un declaracion cu nan tabata consciente di e incidente envolviendo Hall, un escogencia di segundo ronda for di Ohio State.

“Mike y su representantenan tabata den contacto cu e autoridadnan adecua,” e ekipo a bisa. “Nos ta den proceso di haya mas informacion y nos no lo duna mas comentario pa awo.”

E ekipo no a practica ayera mirando cu hungadornan tabata solamente hayando tratamiento y haciendo ehercicio na e facilidad di entrenamiento di e Cleveland na

Berea, Ohio. E Browns ta anfitrionando e Minnesota Vikings pa practicanan conjunto awe y mañan prome cu hunga un wega di exhibicion diasabra.

Un rapport detaya di e incidente obteni pa AP a bisa cu agentenan policial a responde na un yamado rond 10or di anochi dialuna anochi for di un dama cu a bisa cu Hall a pusha su yiu muhe y a dal e cu un boter di lechi.

Segun e rapport, e dama a conta polis cu e ta comprometi na Hall y nan tin un yiu muhe di 11 luna. E dama a bisa cu nan pelea a escala



despues cu e pareha tabata discutiendo necesidadnan financiero pa e mucha. E dama a conta polis cu Hall no ta e tata biologico.

E dama a bisa cu Hall, 21, a bira “mas y mas frustra”, a tira su pertenencianan pafo y a lastr’e riba veranda. Na cierto momento, e dama a bisa cu Hall a pone un scopet na su cabaes y a bisa “Mi lo (redacta)

caba tur cos. Mi no ta worry.”

E dama no a busca tratamiento medico. Hall a cera e dama pafo di cas y a bay den un pickup, segun e rapport. Polis a haya evidencia incluyendo un frame di porta kibra y un buraco den porta, cual e dama a bisa Hall a crea. Agentenan tambe a confisca dos arma—un 40-caliber Glock y un 9mm Smith & Wesson.

Mericanonan di edad avansa ta prepara nan mes pa un mundo cambia pa inteligencia artificial

(AP) - E studiantenan, mayoria cu cabey shinishi y cana caba, no por a kere loke nan tabata tende.

“E ta bin cu virus?” Un di e studiantenan a puntra mientras e tabata tuma nota.

Esaki ta con adultonan di edad avansa, mayoria kendenan a biba durante e yegada di refrigeracion, transicion di radio pa television y e invencion di internet, ta lidiando cu inteligencia artificial: tuma les.

Sinta den un klas den un centro pa personanan di edad avansa, decenas di estudiante ta siñando tocante e cambio tecnologico mas grNdi di nan bida. Nan no ta nan sp, pa motibo cu den henter e pais e tipo di lesnan aki a surgi pa siña e grupo di edad aki tocante inteligencia artificial su habilidad di cambia nan bida y e menasanan cu e tecnologia ta posee.

“Mi a mira cahanan di ijs converti den refrigerador, esaki ta con hopi tempo mi tin di bida,” Barbara Winston di 89 aña a comenta. “Y mi ta kere cu esaki ta probablemente e revolucion tecnologico mas grandi cu mi lo mira den mi bida.”

E adultonan aki ta haya nan mes den un momento unico cu tecnologia. Inteligencia artificial ta ofrece beneficio significativo pa nan, for di e habilidad di por combati soledad te haci mas facil pa nan por haci afspraak medico.

Sinembargo tambe esaki tambe tin desbentaha cu ta unico pa e grupo aki tambe; Un serie di estudio a mira cu e ciudadanonan aki ta ambos mas debil na estafa usando inteligencia artificial y kere



e tipo di informacion cu ta ser sobrecarga pa e tecnolp-gia. Expertonan ta partocilarmente preocupa tocante e rol cu deepfake y otro mal informacion produci pa AI por hunga den politica.

Winston a sali for di e klas y cuminsa su propio biahe den AI, aunke otronan a keda cu duda. Ora el a yega cas, e profesor retira a descarga bukinan tocante AI, a haci investigacion riba e plataformanan cu e tabata kier usa y eventualmente a haci pregunta na ChatGPT tocante con pa trata un problema medico personal.

“Esaki ta e comienso di mi educacion,” ek a bisa. “Mi no ta preocupa tocante mi proteccion, mi ta demasiado bieu pa worry cu esey.”

Lesnan manera esaki tin e meta di familiarisa e grupo aki cu e maneranan den cual e tecnologia por mehora nan bida oero tambe encurasha duda tocante con e tecnologia por cambia e berdad.



Duda balansa, segun e expertonan, ta critico pa e grupo aki cu tin plan di interactua cu AI.

E ta algo riesgoso segun Michael Gershbein, e instructor di e klas na Northfield. “En general, e sospecha presente di parti di nan ta algo bon pero tampoco bo no kier pa nan keda paralisa a causa di nan miedonan y no ta dispuesto na haci nada online.”

E preguntanan den su klas pafo do Chicago ta ata for di absurdo te na practico y academico. Dicon asina hopi keds nobo no tin veter? AI por crea un itinerario pa un bishitas ja South Carolina? Cua ta e implicacion geopolitico di inteligencia artificial?

Gershbein, ken ta duna les

riba un gran cantidad di topico, su interes den AI a aumenta den e ultimo 9 luna. E docente di 52 ta duna les di AI un pa dos biaha pa siman, el a bisa y tin meta di crea un “espacio safe unda nan por bin y nos por trata e problemanan cu nan ta tende tiki tiki di dje pero nos ta pone tur esaki hunto y nan por haci pregunta.”

Durante un sesion di 90 minuut den juni, Gershbein a trata deepfake, e videonan cu ta usa AI generativo pa aparta ta cu un persona ta haciendo algo cu nan no a haci. Ora cu el a pone algun deepfake, e studiantenan no por a kere con real nan ta mustra. Tin preocupacion amplio cu e tipo di videonan aki pro ser usa pa confundi votadornan, specialmente esnan di edad

mas halto.

E menasa na e personanan aki ta bay mas leu cu politica, sinembargo, y ta bay for di mal informacion basico riba rednan social te estafa cu ta haci uso di clon di bos pa confundi nan. Un rapport di AARP publica aña pasa a bisa cu Mericanonan di mas di 60 aña ta perde 28.3 biyon dollar anualmente pa financia plannan di extorcion, algun cu asistencia di AI.

Expertonan for di National Council on Aging, un organizacion estableci den 1950 pa boga pa e personanan di e grupo di eda aki, a bisa cu les tocante AI na centronan pa persona di edad a aumenta den añanan recién y ta den posicion lider di e esfuerso-

nan literario.

“Tin un mito cu e adultonan aki no ta haci uso di tecnologia. Nos sa cu esaki no ta berdad,” Dianne Stone, director asocia di National Council on Aging a bisa. E tipo di cursonan aki, segun su persona, tin e intencion di crea duda “saludabel” den kico e tecnologia por haci, dunando e Mericanonan aki e hermentnan y e onocemento “cu no tur loke nan ta tende ta berdad, e ta bon pa bo ricibi e informacion, pero bo tin cu haci bo buskeda y confirma esaki bo mes.”

Yega e balans aki, segun Siwei Lyu, un profesor na nivel universitario, por ta dificil y e lesnan hopi biaha ta promove e beneficienan di AI na luga di enfoca riba su peligrosnan.



Alarma a detecta movecion na e parti patras di Mango pero tur porta ta cera na lock

Siman pasa diamars madruga a drenta informe di cu e alarma di Mango a detecta movecionnan den e parti patras di e lugar, mesora a dirigi patruya na e sitio.

Na yegada di polis tabata tin un patruya di security caba na e sitio y a indica cu nan a revisa tur porta y esakinan tabata intacto.



Pa motibo di un cerbes homber a ser choca y un muhe a haya kap na cabes

Dialuna madruga a drenta informe di un pelea na un club nocturno na Palm Beach, mesora a dirigi un patruya na e sitio.

Na yegada di e patruya no tabata tin pelea mas pero na un hotel cerca di eynan a haya un dama cu un kap profundo na cabes. Polis mesora a pidi pa un ambulans. Un persona na e sitio a conta nos cu tur esaki a cuminsa pa motibo di un cerbes unda un homber a ser choca y un muhe a haya




un kap na cabes. Polis a bisa ambos cu dialuna den dia nan por pasa entrega keho cerca recherche na warda di Shaba. Na yegada di e ambulans nan a atende e victima pa hospital.



Polis a duna un chauffeur burachi un prohibicion pa stuur pa algun ora

Dialuna madruga un patruya atento a para un auto coriendo malo riba e caminda di Boegoeroei.

Ora cu a controla e chauffeur a constata cu e no ta den condicion pa stuur y a dun'e un prohibicion pa stuur pa algun ora. Pa suerte un amigo a pasa y a hiba e chauffeur su cas pero e auto si a keda para dilanti un supermercado den cercania.



Trailer hanco cu katrol bashi a pasa dal bus di Palm Tours di direccion contrario

Dialuna mainta a drenta informe di un accidente na Palm Beach, mesora a dirigi un patruya na e sitio.

Na yegada di e patruya a bin compronde cu un pick-up lastrando un trailer basta hanco transportando un katrol bashi a dal dilanti un bus di De Palm Tours. Afortunadamente ningun hende a resulta herida.



Yiu a bay biba cerca mama y a start un problema ora e padraastro a yega cas burachi



Diadomingo anochi a drenta informe di un problema entre pareha unda no ta desea presencia mas di un persona ey-nan, mesora a dirigi na e sitio.

Na yegada di e patruya a bin

compronde cu aki ta trata di un caso unda un yiu a dicidi pa bay biba cerca su mama y e padraastro a yega cas burachi y a start un problema entre nan. Polis a intermedia y e padraastro a dicidi pa piki su cosnan y bay keda na otro sitio.

Turista a haya ataca den lama na Mangel Halto y a fayece

Diamars mainta a drenta informe di cu un dama cu a bay den lama na Mangel Halto no ta halando rosea mas ni tin pulso y e personanan ta dunando CPR y scuma ya caba ta saliendo for di boca y nanishi, mesora a dirigi tanto polis como ambulans na e sitio.

Na yegada di e ambulans a bin compronde cu e dama a bay snorkel y na un dado mo-

mento a perde for di bista. E tourguide a haya e victima ta drif boca ariba y a trece tera inicia CPR, ambulans a sigui haci lo maximo pero sin resultado. Nan a avisa polis y autoridadnan competente cu e dama a fayece. Ta trata aki di un dama turista di bishita na Aruba y tabata compana pa su yiu. Na famianan di e fayecida nos ta manda nos profundo palabranan di condolencia.



Chauffeur no a regula su velocidad ni a mantene distancia y a bay dal tras di e auto su dilanti



Diamars mainta a drenta informe di un accidente na e rotonde Sasaki, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur no a regula su velocidad ni a mantene distancia a bay dal tras di e auto su dilanti. Afortunadamente ningun hende a resulta herida.

Accidente di spiel cu spiel den birada smal na Sero Patrishi

Diamars mainta a drenta informe di un accidente na un birada smal na Sero Patrishi, mesora a dirigi un patruya na e sitio.

Na yegada di e patruya a bin compronde cu aki ta trata di un accidente di spiel a dal spiel. Afortunadamente ningun hende a resulta herida.



Minister di Turismo ta yama danki na crucero di Carnival Celebration pa invita nos muchanan di Aruba subi y haya recorrido



Minister di Turismo y Salud Publico Sr. Dangui Oduber conhuntamente cu Aruba Ports Authority (APA) y Aruba Tourism Authority (ATA) ta yama danki na e mega crucero di Carnival Celebration pa un biaha mas invita nos

muchanan di Aruba pa subi y haya un recorrido.

Esaki ta di 2 aña caba cu Carnival Cruise Lines (CCL) ta duna bek na comunidad di e islanan cu nan ta bishita. Minister Oduber ta hopi agradecido di oportunidad cu

Carnival Cruise ta duna na e muchanan di Aruba. E aña aki a duna chens na e Fundacion di Buki di Pret Aruba. Buki di pret ta un buki anual gratis yena cu actividadnan pa e vacacion di school. Esaki ta e motibo cu Fundacion Buki di Pret a haya e oportunidad

pa bay bishita e mega crucero unda e muchanan a keda masha impresionado cu e restaurantnan, pool deck, e mega slides y e trato servicial di e ful e ekipo di Carnival Cruise Lines.

Finalmente Minister Oduber a manda un danki na ATA,

APA y Carnival Cruise Lines pa brinda un oportunidad unico na nos muchanan. Esaki sigur lo sirbi como inspiracion y ta siña nos muchanan di jong con importante e pilar di turismo ta pa Aruba.

Biblioteca ta recorda tur su miembronan
Hiba buki bek biblioteca

Pa por circula buki optimalmente ta importante pa tur miembro di biblioteca entrega bukinan cu ta na cas mas cu 1 luna caba. Scol ta habri e siman aki pa un aña escolar nobo. Tur mucha, alumno y estudiante mester di buki pa lesa.

Biblioteca ta introduci miembresia gratis pa baby, mucha y hoben bou 18 aña. Esaki ta habri un mundo di buki, storia y informacion den diferente forma, tambe E-books y audiobooks. Miles di buki ta warda nan! Biblioteca ta ofrece espacio pa studia, siña, topa y reuni, computers cu Internet y tambe Free WIFI. Ademas tin espacio pa



diferente evento y exposicion. Miembresia pa mucha y hoben te cu 17 aña ta gratis. Mayor ta trece un ID valido pa registra nan yiu como miembro y tambe e carchi AZV. Mucha por hiba 3 buki cas pa 4 siman.

Minister Ursell Arends:
Kico ta Publico.aw?



Gobierno tin e deber di informa Pueblo activamente tocante su maneho. E website di Publico.aw ta un proyecto piloto di Ministerio di Integridad pa percura pa Transparencia Activo den Gobernacion, dunando pueblo informacion gubernamental na un forma accesibel y innovativo.

Actualmente bo por haya hopi informacion di Ministerio di Transporte, Integridad, Naturalesa y Adulto Mayor. Por chempel, e edificacionan cu e ministerio ta uza, cuanto ta paga na huur, gasto di personal di cada departamento, documento di maneho, rapport y mas. Tambe por wak e

funcionnan na cada departamento di Gobierno.

Publico.aw ta habri pa tur ministerio, y e team di Publico.aw lo sigui haci esfuerso pa yega na mas informacion, pa sigui structura, amplia y desaroya Publico.aw como e standard nobo den transparencia gubernamental.

Si bo tin sugerencia of comentario, bo por haci uso di e formulario di contacto riba Publico.aw. Asina bo feedback por wordo considera den e desaroyo di e proyecto aki. Hunto nos por haci Publico.aw e sitio principal pa Gobierno di Aruba cherce #TransparenciaActivo.

Resultado Sorteo
Augustus 13

Cadena Alexander Lottery ta presenta resultado di weganan di suerte

| DIARIO | KORSOU | SUPER4 | FLAMINGO |
|--------|--------|--------|----------|
| 7923 | 7354 | 7575 | 3201 |
| 8234 | 7377 | SUPER5 | 6026 |
| 1444 | 2806 | 97418 | 0377 |

MERDIA

ANOCHI

CATOLCHI

Sorteo # 4356

6673

8115

3023

MULTI-X

X2

BIG 4

Sorteo # 4356

8063

MULTI-X

X2

10FF

Sorteo # 2412

2652

ZODIAC

Sorteo # 4356

2603

Tauro

LUCKY 3

Sorteo # 1230

960

MULTI-X

X3

CATOLCHI

Sorteo # 8319

5193

6029

8011

MULTI-X

FP

BIG 4

Sorteo # 7363

6877

MULTI-X

X3

10FF

Sorteo # 2068

0048

ZODIAC

Sorteo # 6122

8056

Libra

LUCKY 3

Sorteo # 1052

738

MULTI-X

X2

LOTTO 5

Sorteo #

0 x Jackpot

0 x Match 4+

0 x Match 4

0 x Afl. 12,00

Joker

Letter

Proximo Jackpot

185.000,-

LOTTO DI DIA

Sorteo # 6562

0 x Jackpot

6 x Match 4

184 x Afl. 8,00

02-03-06-16-26

Proximo Jackpot

66.000,-

MEGA

Sorteo # 1688

0 x Jackpot

1 x match 4

6 x Afl. 500,00

88 x Afl. 50,00

117 x Afl. 15,00

06-14-16-18

Mega Ball 12

Proximo Jackpot

600.000,-

MEGA REUS

Afl. 900.000,-

KORSOU

Sorteo #

QR Code

Cambio den prijs di
productonan petrolero 14
augustus 2024

257.6

6.0 ct/ltr

Gasoline
Unleaded-
Premium

220.7

2.2 ct/ltr

Diesel ULS

201.7

1.7 ct/ltr

Kerosine

Minister di Asuntonan
Economico,
Comunicacion y Desaroyo
Sostenibel ta anuncia e
prijsnan nobo di benta di
combustibel entrante 14
augustus 2024:

6,0 cen)
Diesel LS
: 220,7 cen p/ltr. (+
2,2 cen)
Kerosin
: 201,7 cen p/ltr. (+ 1,7 cen)

E prijsnan ta inclui BBO/
BAZV/BAVP.

Gasoline unleaded-premium
: 257,6 cen p/ltr. (+



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel: 297-582-2219

Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm **24 ora**

Botica na warda

Oranjestad: San Nicolas:
Eagle San Nicolas
Tel. 587 9011 Tel. 584 5712

EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Universidadnan na Merca ta kitando estudionan y kitando programanan despues di añanan di atraso



(AP) - Chrstina Westman a soña di traha cu pash-entnan di stroke y Parkinson's como un terapeuta musical ora cu el a cuminsa studia na St. Cloud State University.

Sinembargo su programa a keda suspendi den mei ora cu e administradornan di e universidad na Minnesota a anuncia plan di elimina su departamento di musica, como parti di un recorte di 42 programa pa bachelor y 50 programa menor.

Esaki ta parti di un ola di recorte den lunanan recien, pa motibo cu universidadnan Mericano grandi y chikito ta purba cubri nan gastonan. Entre nan desafionan di presupuesto: placa di alivio pa COVID federal awo a caba y e gastonan operacional ta keda bira mas caro mientras menos graduado di mavo ta bayendo universidad directamente.

E recorte ta nifica mas cu spaar placa y perdida di trabao. Hopi biaha, esaki ta crea problema pa e studentenan kendenan a scoge un scol a causa di cierto programanan y despues a aplica pa prestamo di estudiante.

“P’ami, e ta un situacion yen di ansiedad,” Westman di 23 aña a bisa, ora el a cuminsa e proceso di transferencia pa Augsburg University na Minneapolis. “E ta e miedo ora cu bo sa di algo ni con ta bay para.”

Na St. Cloud, mayoria studi-

ante lo por caba nan estudio prome cu e recorten nan haci efecto, sinembargo Westman su terapia musical tabata un estudio cu no a cuminsa oficialmente ainda. El a pasa e ultimo 3 luna den un buskeda den un ciudad nobo.

Pa varios aña, e universidadnan a purba evita haci recorte segun Larry Lee, ken tabat

president di St. Cloud State pero a retira luna pasa pa lidera Blackburn College na Illinois.

Aplicacion pa scol a disminui durante pandemia, sinembargo e oficialnan a psera cu e cifranan lo recupera y a usa e placa di alivio federal pa aumenta nan presupuesto mientrastanto.

Pronostico di tempo

Tempo:

Awe tardi y awe noch: parcialmente nubia cu un awasero breve
Den marduga y mañan: temporalmente hopi nubia cu algun awasero breve

Temperatura maximo 34
grado Celsius

Temperatura minimo 28
grado Celsius

Indice di calor (heat index) den y rond Di oranan di merdia: 35 pa 39 grado Celsius

Uv index: 12

Bahada di solo: 7:01pm

Subida di solo: 6:28am

Biento:

Moder for di direccionnan oost te zuidoost; Forsa 3 te 4 (12 te 30km/ora, 7 te 16 nudo).

Durante di dia basta fuerte den rafaga; Forsa 5 (31 te 39km/ora, 17 te 21 nudo)

Situacion general di tempo: Humedad den atmosfera regional lo bay aumenta Un



poco. Esaki lo por induci algun awasero breve Riba partinan di e isla durante e periodo di Pronostico aki cu un chens leve pa lamper Cu strena.

Condicionnan maritimo/ estado di lama:

Na partinan protegi di costa: keto, Rond di 1 pia.

Na partinan zuid: trankil te modera, Rond di 2 te 4 pia.

Na partinan oost te noordwest di costa: Modera cu olanan alrededor di 3 pa 4 pia localmente e por yega 5 te 6 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi Dios, Mi Señor, Mi Salvador
Cu Bo amor infinito tenemi den Bo braz
Ya no tin scuridad
Unicamente Bo Luz briyando

It is with deep sorrow that we announce the passing of:



Mrs. LEONG-LEE, Lin Hing
a.k.a Apo or Madam of Hop Long Laundry &
Laundromat
April 19th, 1922 – August 12th, 2024

CHILDREN:

Elisabeth & John Liu
Paul & Colleen Leong
Ann & Nolly Oleanna
Wing Chow & Greta Leong
Alfred & Luz Maria Leong
Adriana & Ulrich Ponson

GRAND CHILDREN:

| | |
|----------------------------|-----------------|
| Johnny & Jess Liu | Ashley & Stacy |
| Kirchner | |
| Jaime & Jean Liu | Vivian Leong & |
| Clint van Domburg | |
| Jeffrey & Ali Liu | Randall & Hanna |
| Leong | |
| Jenny & David Mulligan | Sue Ann Leong |
| Jessy Liu & Simon Swannell | Jonathan & Gina |
| Leong | |
| Michael Leong | Jennifer |
| Leong & Ken Wolff | |
| David Leong | Uriana |
| Ponson & Jeremy Thijzen | |
| Jason & Tegan Leong | Ricky |
| Ponson | |

GREAT GRAND CHILDREN:

†Amanda, Alex, Tim, Dylan, Madeleine, Damian, Anna-
bel, Brandon,
Stephanie, Zaydon, Olivia, Susana, Mackenzie, Laura, Jay-
don and Kaylie.

Nephew: Tan Zhi Ming and family

Families: Leong, Liu, Tan, Tang, Kelly, Cuartas, Ponson,
Gaunt,
Oleanna, Vrolijk, Wolff, Lanting, De Leça, Croes and Thi-
jzen.

Special thanks to her caregivers Amoe, Rose and Sangeeta.
Horacio O. hospital afd. B3
And staff of Amilia Care Services for all the TLC received
during her short stay there.

The funeral service will be held on Tuesday August 20th
2024 from 9:00am till 11:00am at Pray Funeral Home
and from there to the Catholic Cemetery at Zeewijk San
Nicolaas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu tristesa profundo nos ta anuncia fallecimiento di:



Maria Rasmijn – Wernet
*11-04-1943 - †09-08-2024
mihor conoci Mama Ia, Tanta Ia, Mama
viuda di John (Robby) Rasmijn
Ex- empleado di Concorde/Westin Hotel

Na number di su yiu:

John Rasmijn

Mescos cu yiuinan:

Georvin y Jorienne Angela

Rumannan:

†Frans & †Chimina Wernet-Maduro y famia

†Scolly & †Benny Vingal-Wernet y famia

†Rosa & †Panchito Geerman-Wernet y famia

Angelita & Efraim Croes- Wernet

Do & †Foyen Wernet-Croes y famia

Ady & †Carlos Noguera-Wernet y famia

Mario & Lidia Wernet-Bislip y famia

†Leoncita (Cita) & †Robby Maduro-Wernet y

famia

†Rochi & Miriam Wernet-Larez y famia

Ronny & Jetty Wernet-Nasier y famia

Aura & †Johnny Kamperveen-Wernet y famia

Roberto & Tarcila Wernet-Arends y famia

†Benny & Viola Wernet-Wouters y famia

Sua y cuñanan:

Sra Vda. Joyce Orman-Rasmijn y famia

Rudy & †Reina Rasmijn-Maduro y famia

Glady’s Rasmijn & †Micheal Krozendijk y

famia

Berry & †Corra Rasmijn-Droog na Hulanda y

famia

Ivonne Rasmijn & yiu

†Marcelina Rasmijn y yiu

Ihanan, primo y primanan, subrino y
subrinanan, comer y compernan, demas famia
y conocirnan

Ta invita pa e acto di entierro cual lo tuma lugar
Diaranson 14 Augustus 2024 di 1or pa 4 or di
atardi na Pray Funeral Home na San Nicolas,
despues lo sali pa Santana Central na Sabana
Basora.

Nos ta lamenta cu despues di entierro nos lo no
ricibi bishita di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke el
a haci y significa pa nos, lo keda graba pa semper den nos
mente y curason.

“Cerca Dios mi alma ta na paz, ta di DJ'E mi salvacion ta
bin”
Salmo 62:1

Cu inmenso tristesa nos ta anuncia fayecimento di nos ser
stima:



Sr. Pierre Romain Desormond
mihor conoci na Haïti como “Ton
Pepe”
mihor conoci na Aruba como “Papa”
*08-02-1946 - †02-08-2024

Na number di:

Yiunan: Walner, Ronald, Viviane, Stevenson, Tamara,

Adeline, Andre

Nieto(a)nan

Mihor amiga: Delcina Louis mihor conoci como (Gina)

Rumannan na USA

Sobrino(a)nan

Sua y cuñanan

Primo(a)nan, amigonan, conocirnan y bisñanan

Amistad nan na Seaport Casino y Crystal Casino

Coleganan di trabow na Hyatt Hotel y Total Cleaning

Condolencia lo tuma lugar na Aurora Funeral Home
diabierna 16 di augustus 2024 di 7'or pa 9'or di anochi.

Entierro lo tuma lugar na Aurora Funeral Home diasabra 17
di augustus 2024 di 2'or pa 4'or di atardi. Despues lo sali pa
Santana Central Sabana Basora

Nos ta lamenta cu despues di entierro nos no ta ricibi bishita
di condolencia na cas

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Dios ta amor... y amor ta Dios,
maske mi no ta na e mundo aki, tur dia lo mi ta banda
di boso Curazon, mi por stens di loke Señor ta hasi”
Salmo 33

Cu inmenso dolor na nos curason nos ta anuncia
fayecimento di:

**Miguel A.
Tromp**
Cariñosamente
yama “Mingo”
*29-09-1955 -
†13-08-2024



Acto di despedida lo wordo anuncia despues.

E Convencionnan di Geneva—e reglanan global di guerra—ta 75 año bieu y ta ser ignora casi tur caminda

(AP)—Riba su di 75 aniversario, e reglanan miho conoci na mundo riba e proteccion di ciudadano-, detenido- y soldaatnan herida den guerra a ser ampliamente ignora, for di Gaza pa Siria pa Ucrania pa Myanmar y mas—y su defensoran ta haciendo yamado pa un compromiso nobo pa ley humanitario internacional.

E Convencionnan di Geneva, cual a ser adopta pa casi tur pais na mundo desde cu a finalisa nan dia 12 di augustus 1949, ta ser referi atrobe mientras gruponan di milicianan arma y forsan nacio-

nal regularmente ta ignora e reglanan di guerra.

“Ley humanitario internacional ta bao presion, ta ser descarta, socava pa hustifica violencia,” segun presidente Mirjana Spoljaric di e Comité Internacional di e Cruz Cora, cual ta encarga di e convencionnan, a bisa ayera. “Mundo mester recompromete na e framework protectivo pa conflicto arma, un cu ta sigui e principio di proteha bida en bes di hustifica morto,” el a bisa.

E convencionnan, cu origen data for di siglo 19, ta diseña pa impone reglanan rond e



conducta di guerra: nan ta prohibi tortura y violencia sexual, rekeri tratamento humanitario di detenidonan y ta ordena buskeda pa hende desaparecido.

E convencionnan “ta refleha un consensus global cu tur guerra tin limite,” Spoljaric a conta reporteronan na e oficina di ICRC na Geneva. “E deshumanisacion di ambos luchadornan enemigo y ciu-

dadonan ta un caminda pa desaster.”

Cruz Cora ta bisa cu e convencion ta necesario awo mas cu nunca: el a conta mas cu 120 conflicto activo rond mundo, un aumenta di seis biaha desde e aniversario di 50 año na 1999.

Awendia, hopi pais- y combatantenan ta explota buraconan den ley humanitario internacional of ta interpreta nan manera nan kier. Hospital-, scol-, y ambulansnan a ser afecta, trahadonan di ayudo y ciudadanonan ta ser asesina, y paisnan ta nenga acceso pa detenidonan.

Media di comunicacion na Senegal a organisa un “blackout” pa trece atencion riba preocupacionnan di libertad di prensa

(AP)—Organisacionnan di media na Senegal a organisa un blackout ayera pa protesta un abordamento gubernamental cu nan ta bisa ta afectando nan directamente y ta diseña pa limita libertad di prensa den e pais West Africano.

Pantayanan di television a bira blanco riba e stacionnan di telecomunicacion TMF, ITV y 7 TV, y radionan manera RFM y iradio tabata keto. Mayoria di e corantnan diario no publica nan edicion di diamars, cu e excepcion di



Le solei cu ta pertenece na e gobierno y e agencia priva pro-gobierno WalfQuotidien y Yoor Yoor Bi. E movida aki ta bin mirando cu tension ta subi entre organisacionnan di media y e

gobierno, causando preocupacionnan internacional tocante libertad di prensa den un di e democracianan mas stabiel den Africa. Separadamente, e companianan di media principal na Senegal a acumula debenan masivo durante e ultimo añanan, menasando e sobrevivencia economico di e sector.

E Consejo Senegales di Distribuidornan di Prensa y Publicadornan, un organizacion representando ambos companianan priva y publico, a bisa cu e gobierno a vries cuentanan di banco

perteneciendo na e organizacionnan, supuestamente pasobra nan debe impuesto, “ekipahe di produccion confisca” y “contractnan di aviso unilateralmente y ilegalmente termina.”

E declaracionnan, publica den un editorial den Le Quotidien dialuna, no por ser verifica. Oficialnan di gobierno tampoco tabata disponible pa comentario.

“Pa casi tres luna, e prensa Senegales a experencia un di e fasenan mas scur di su historia,” e organizacion a skir-

bi den e editorial. Na juni, prome minister di Senegal, Ousmane Sonko, ken a tuma oficina na comienso di año, a denuncia loke el a describi como un “mal apropiacion di fondo publico” den e industria di media.

Casonan di brutalidad policial contra reporteronan y detencion di criticonan di gobierno tambe a aumenta na Senegal durante e ultimo añanan, segun e watchdog internacional Reporters Without Borders, cual a urgi autoridadnan Senegales pa proteha libertad di prensa.

Rebeldenan Houthi di Yemen a redada oficina di derechonan di ONU na Sanna, segun oficial di ONU

(AP)—Rebeldenan Houthi di Yemen a redada e oficina di e Oficina di Derechonan Humano di e Organizacion di Nacionnan Uni (ONU) den e capital, Sanna, a confisca documentonan, mueble- y vehiculonan, segun un oficial di ONU a bisa ayera.

E incursion tabata e movida mas recien den un abordamento pa e Houthinan riba hende trahando cu ONU, agencianan di ayudo y embaadanan stranhero. E abordamento ta bin mientras rebeldenan apoya pa Iran a ataca barconan di carga den e Lama Cora pa via di e guerra entre Israel y Hamas na Gaza.

E rebeldenan a tuma over e

tereno di e oficina di ONU na Sanna dia 3 di augustus, despues di forsa empleadonan di ONU Yemeni pa entrega nan pertenencianan, incluyendo documentonan, mueble- y vehiculonan, segun e Hefe di Derecho Humano di ONU, Volker Türk, a bisa den un declaracion.

“Forsanan Ansar Allah mester bandona e tereno y duna back tur activo y pertenencia inmediatamente,” Türk a bisa, usando e number oficial di e Houthinan.

E Oficina di Derechonan Humano di ONU a bisa cu el a suspendi su operacionnan na Sanna y otro areanan Yemeni controla pa e Houthinan despues di e cam-

paña di abordamento na juli. Pero ainda e ta opera den e partinan di Yemen controla pa e gobierno internacionalmente reconoci.

Na juni, e Houthinan a detene mas cu 60 hende trahando cu ONU y otro NGO, segun e oficina. Entre e detenidonan tabata seis empleado cu e Oficina di Derechonan Humano, ken a uni dos di nan colega deteni pa e Houthinan na november 2021 y augustus 2023, el a bisa.

Algun dia despues di e campaña di detencion, e rebeldenan a bisa cu nan a detene miembronan di loke nan a yama un “red di spionahe Mericano-Israeli.” E Houthinan

a publica loke nan ta bisa na confesionnan graba pa dies Yemeni, varios di ken a bisa nan a ser recluta pa e Embahada Mericano na Yemen. E Oficina di Derechonan Humano di ONU a bisa cu un di e su empleadonan cu a ser deteni prome a aparece den un video den cual a fors’e pa confesa na acusacionnan, incluyendo spionahe, e oficina a bisa. E declaracionnan di e Houthinan no por ser verifica.

E Houthinan ta den un guerra civil cu e gobierno internacionalmente reconoci di Yemen, sosteni pa un coalicion lidera pa Saudi Arabia, desde 2014, ora nan a tuma control di Sanna y mayoria di e norte.

E guerra na Yemen a mata mas cu 150,000 hende, incluyendo bringador- y ciudadanonan, y a crea un di e desasternan humanitario mas pio na mundo, matando dies miles mas. E rebeldenan a encarcela miles di hende durante e guerra. Y den lunanan recien nan a intensifica nan abordamento riba disidentimentonan na cas, incluyendo sentenciando 44 hende pa morto.



Merca ta aproba 20 biyon dollar den benta di arma pa Israel en medio di menasa pa guerra mas amplio den e Medio Oeste

(AP)—Merca a aproba 20 biyon dollar den benta di arma pa Israel, incluyendo varios fighter jets y misilnan aire-pa-aire avansa, segun e Departamento di Estado Mericano a anuncia ayera.

Congreso a ser notifica di e benta pendiente, cual ta inclui mas cu 50 fighter jet, Advanced Medium Range Air-to-Air Missiles (of AMRAAM), 120 mm municion di tanki y morteronan explosivo y vehiculonan tactico. Esaki ta bin en medio di preocupacion intenso cu Israel por ser envolvi den un guerra mas amplio den e Medio Oeste.

Sinembargo, no ta anticipa cu e armanan lo yega Israel pronto, esakinan ta contractnan cu lo dura algun aña pa cumpli.



Hopi di loke ta ser bendi ta pa yuda Israel aumenta su capacidad militar den termino largo.

“Merca ta comprometi na e

seguridad di Israel, y ta vital pa interes nacional di Merca pa asisti Israel desaroya y mantene un capacidad fuerte y cla pa auto-defensa. E benta pro-

poni aki ta consistente cu e obhetivonan ey,” segun e Departamento di Estado a bisa den un publicacion riba e benta.

E administracion di presidente Biden mester a balansa su sosten continuo pa Israel cu un cantidad creciente di yamadonan for di legisladornan y e pueblo Mericano pa curva sosten militar eyan debi na e cantidad halto di morto civil na Gaza. El a curva un entrega di arma di mas cu 900 kilo en medio di atakenan aereo continuo pa Israel den e areanan civil na Gaza.

E contractnan lo cubri no solamente e benta di 50 aeronave nobo cu lo ser produci pa Boeing. Tambe e lo inclui kitnan pa Israel modifica su flota di dos decena di F-15 fighter jet cu motor y radar nobo, entre otro upgrade. E jetnan ta e porcion mas grandi di 20 biyon dollar den benta cu e prome entrega anticipa na 2029.

Ex premier di Bangladesh Hasina ta haci yamado pa investigacion tocante asesinatonan durante inkietud cu a causa su retiro



(AP) - Bangladesh su ex Prome Minister Sheikh Hasina a haci yamadi riba diamars for di exilio propio na India pa un investigacion riba e personanan responsabel pa e asesinato di studiantenan y otronan durante e simannan di manifestacion violento cu a causa su retiro.

Hasina, ken a retira y a huy for di Bangladesh dia 5 di augustus despues di un golpe de estado lidera pa studiantenan contr su gobierno, ta acusa di ta responsabel pa hopi di e violencia mortal y activistanan a exigi pa e ser poni den huicio.

Den un declaracion publica riba plataforma X pa su yiu homber Sajeeb Wazed Joy, Hasina a bisa cu e kier un investigacion y ta exigi “castigo pa esnan responsabel pa e asesinato y sabotaje.” Esaki ta su prome declaracion publico despues di a huy

for di e pais.

Mas di 300 persona a ser asesina durante e manifestacionnan cu a cuminsa den juli contra un sistema di quota pa trabaonan gubernamental cu despues a bira un movimiento contra loke ta considera Hasina su administracion autocratico. E manifestacionnan eventualmente a obliga Hasina retira y huy pa India, cabando cu su mando di 15 aña.

Algun di e violencia a pone den contra di otro e studiantenan y activistanan pro-gobierno ademas di gruponan di hubentud y polis, y hopi di e mortonan tabata den e activistanan pa studiantenan. Sinembargo, Hasina su declaracion a enfatisa cu oficialnan di polis, miembronan di Awami League y otronan tabata victima di loke el a describi como “agresion terrorista.” Anteriormente el a culpa partidonan den oposicion pa causa e inkietud aki.

Diamars, polis a lansa un investigacion di asesinato den loke ta anticipa di ta e prome di varios caso unda ta acusa Hasina y otro oficialnan di gobierno di ta responsabel pa e mortonan durante e violencia.

Hasina su declaracion a bini mientras e pais su gobierno interino riba diamars a cancela un vakantie nacional cu el a declara pa marca e morto di su tata, Bangladesh su lider di independencia Sheikh Mujibur Rahman. El a ser asesina conhuntamente cu mayoria di su famia den un coup militar na aña 1975. Hasina y su ruman muhe tabata fuera di e pais den e tempo aki.

E cancelacion aki a bini bao peticion di por lo menos 7 partido politico, incluyendo e grupo di oposicion principal, Bangladesh Nationalist Party. Despues di Hasina su caida siman pasa, e manifestantenan a kima

su tata su cas, cual tabata un museo na Dhaka.

Apesar di tur esaki, Hasina a urgi hende den su declaracion pa “observa e fecha cu dignidad apropiada.”

E caso lansa diamars ta trata e asesinato Abu Sayeed, cu S. M. Amir Hamza describi como un persona cu “desea su bon” a trece dilanti na corte di Dhaka. Hamza a bisa cu Sayeed a ser asesina dia 19 di juli den medio di choke durante e manifestacionnan y cu el a trece e caso dilanti pa motibo cu Sayeed su famai no tin e capacidad pa busca husticia.

Hasina tabata nombra como sospechoso den e peticion conhuntamente cu 6 otro persona, incluyendo ex Minister di Interior Asaduzzaman Khan, Awami League Party su secretario general Obaidul Quader y otro oficialnan top di cuerpo policial.





Pa amplia nos team, nos ta buscando un **KOELMONTEUR / WITGOED MONTEUR**

PERFIL DI CANDIDATO

Bo trabao diario ta consisti di instala, drecha y mantene diferente aparatonan manera; wasmaschine, dryer, frishidair, freezer y stove di diferente marca renombra. Mester por hasi esaki eficientemente y profesional.

EDUCACION Y EXPERENCIA

- Bo tin diploma di koeltechniek 1, minimaal 1 anja di experiencia den soluciona malfunctionamento di aparatonan menciona arriba.
- Bo no tin diploma pero si conocimiento tecnico y tin interes pa sigi studia riba e tereno aki.
- Bo mester ta amabel, motiva y por traha organisa y tin un conducta intachabel
- Bo mester por comunica na un manera profesional cu e clientenan y mester por papia y skirbi Papiamento, Hulandes, Spaño y Ingles.

BENEFICIONAN

- Salarlo atractivo dependiendo di bo educacion, experiencia y conocimiento.
- Condicionan secundario excelente cu Posibilidad di crece den nos compania.
- Oportunidad di hasi opleiding y cursonan interno y externo.

Si bo ta consider bo mes e candidato ideal y bo tin gana di bin traha cu nos, entrega bo CV cu pasfoto mas lihe posibel na: Unicomer Aruba – Caya Juan Pablo 121 Oranjestad – Aruba, na atencion di Sra. Ellen Leo; HR Manager – unicomerarubajobs@gmail.com

Un ex comandante di rebeldenan Lord's Resistance Army ta condena na Uganda di comete atrocidadnan

(AP) - Un ex comandante di Lord's Resistance Army a ser condena di decenas di crimen contra humanidad den un momento clave pa husticia pa varios na Uganda cu a sufri decada na man di nan rebeldia.

E veredicto hopi spera den e huicio di Thomas Kwoyelo a keda entrega diamars pa un panel di Corte Halto na Gulu, ciudad nort unda LRA tabata activo antes. E tabata e prome caso di atrocidad den huicio bao un division special di e corte cu ta enfoca riba crimennan internacional.

Kwoyelo a enfrenta acusacion incluyendo asesinato, encarcelamento, violacion y crueldad. El a ser condena riba 44 di e 78 acusacionnan cu e ta enfrenta pa e crimennan cu el a comete entre 1992 y 2005.



E no ta inmediatamente cla ki tempo e lo keda sentencia. Kwoyelo, ken su huicio a cuminsa den 2019, tabata bao detencion desde 2009 mientras cu autoridadnan di Uganda a purba saca afo con pa trece husticia den un manera cu ta husto y creibel. Human Rights Watch a describi e huicio como un oportunidad pa e victimanan por ricibi husticia den e guerra

di dos decada entre trupanen di Uganda y LRA.

Fiscalnan ta bisa cu Kwoyelo a mantene e nivel di coronel dentro di LRA y cu el a duna ordo pa ehecuta actonan violento riba e ciudadanonan, hopi di nan desplasa pa rebelion.

LRA su lider en general, Joseph Kony, aparentemente ta scondi

den un area cu no ta goberna na Africa Central. Merca a ofrece 5 milyon dollar den compensacion pa informacion cu ta resulta den e captura di Kony, ken tambe ta busca pa e Corte Criminal Internacional. Un di e tenientenan di Kony, Dominc Ongwen, a ser sentencia na aña 2021 pa ICC na 265 aña di detencion pa crimennan di guerra y crimennan di humanidad. Miles di otro rebeldenan a ricibi amnistia di e gobierno di Uganda durante e añanan, sinembargo Kwoyelo, ken a ser capta na Congo, a ser nenga amnistia. Oficialnan di Uganda nunca a splica dicon. Tabatin preocupacion pa activistanan cu e atraso largo den su huicio tabata den violacion di su derecho pa husticia.

Su huicio tabata controversial, enfatisando e desafionan compleho den entrega husticia

den un sociedad cu te ainda ta sanando di e consecuencianan di e guerra. Di mesun manera cu Ongwen su huicio na ICC, Kwoyelo a confirma cu el a ser secuestra tempo e tabata un mucha chikito pa uni LRA y cu e no por a ser considera responsabel pa e grupo su crimennan.

Kwoyelo, ken a nenga e acusacionnan den su contra, a testigua cu solamente Kony por para responsabel pa e crimennan di LRA y a bisa cu tur hende den LRA tabata enfrenta morto si nan desobedece e lider. LRA a ser acusa di comete varios masacre contra mayoria miembro di e grupo etnico Acholi. Kony, ken ta un Acholi, a nombra su mes un Messiah cu den temponan di comienso di e rebeldia cu kier goberna Uganda segun e 10 mandamiento di bijbel.